


# LUSIKA LWA KELEKE YA SMIRNA

 Ndate ya Kanya Kufitisisa, lu tabile hahalu busihu bo ka kuziba kuli mwa mibili ya luna ya nama luna ni Bupilo bo bu safeli. Bupilo bwa Mulimu wa luna bo ne bu kauhani ka malimi a mulilo ni kuina fahalimwa ufi ni ufi wa bona, mi kaufela bona ba tala Moya o Kenile mane ba kala kubulela ka malimi asili mo Moya no ba buleliseza. O Ndate, mo lu itumela ku Wena kuli No ikabile ili Wena mwahala Keleke. Ki kabakaleo Mulena luna naize, “Zazi lani mu ka ziba kuli Ni inzi ku Ndate, mi Ndate u ku Na, Na ku mina, mi mina ku Na.” Ka mwa pilela mwahala sicaba sa Hae Mulimu wa Lihalimu! “Fa nako nyana lifasi ha lina ku Ni bona, kono mina mu ka Ni bona, kakuli Ni kaba ni mina, mane ku mina kuisa kwa mafelelezo a lifasi.” Kushetumuka mwahala lusika lufi kaufela lwa keleke U bile teni, uli yaswana maabani, kacenu, ni kuyakuile, mi lu Ku ziba ka misebezi Yo eza. “Lisupo ze li ka ba latelela ba balumela.”

<sup>2</sup> Mulena, ka kubona li—kubona lituwa za masika kamukana, nako isutelela kwa kufela mi Kuyakuile kwa kalisa. Mulimu Ndate, lu tabile hahulu ka kuziba kuli lupila mwahala bo masiyaleti kacenu; lu nze lu tokomela bupilo bwa luna ni kubona mufuta wa milelo ye lunani, maikuto e lunani, ni kubona kuli Moya o Kenile ungile sibaka. Mulimu, mi mutu kaufela yaliteni fa Pila Bumulimu busihu bo alemuhe kuli lupila mwahala kumatela kapili ku Mulena Jesu, kakuli li ñozwi patalaza, kuli, “Libizo la Mulena ki tawala yetiile, ya lukile umatela Teñi mi ufumana buiketo.”

<sup>3</sup> O Mulimu, taha busihu bo mi utoze butu bwa luna, Mulena. Tisa bayambaeli, O Mulena, baba lyangani luli; talima fa lingu ze shebile, Mulena, ha ba zibi za ku lumela; kuna ni lipizo za balisana kuzwa kai ni kai. Lwa lapela, Ndate, kuli ba utwe Mulisana yomutuna yani wa mutapi, yena Mulena Jesu, Moya wa Hae omutuna ubulela busihu boo, kuli, “Mwana Ka, taha ku Na mi Ni ka kufa Sabata, yona Pumulo ye ku kenya mwa sibaka sa hao sa Kuyakuile.” Kusina ku yauluka kwa ni kwa mwa lifasi halunze lubona kuli nako ya fela cwale. Lumeleza cwalo, Ndate. Bulela ka mubuleli, uteezeze ka lizebe za ba ba teezeza, kakuli kaufela luna lwa teezeza. Ka Libizo la Jesu lwa lapela. Amen. Mwakona kuina.

<sup>4</sup> Cwale, busihu bo lusweli kubala mwa lusika lwa keleke ya bubeli. Ni bona kuli buñata bwa bona basweli kuñola litaba zateni, mi leo kona libaka ha Ni bata kueza taba ye kuli iutwiwe hande ka nako kaufela.

<sup>5</sup> Cwale, lusika lwa keleke ya bubeli ne lu bizwa lusika lwa keleke ya Smirna. Mi ne lukalile, Lusika lwa Smirna, ne lu

kalile ka nako yeswana Lusika lwa Efese ha lu fela feela. Lusika lwa Maefese ne lu zwa ka A.D. 55 kuisa A.D. 170. Lusika lwa Smirna lwa taha ka 170 ni kuina kuisa ka 312. Keleke ye ki keleke ye nyandisizwe; kona ye tinile mushukwe wa babulaiwa, ki keleke ya nyandiso. Mi sepiso ya Mulimu ku lona, kwa Keleke ye Ketilwe ku yona, neli ku ifa mushukwe wa Bupilo.

<sup>6</sup> Keleke ni keleke neina ni *naleli* yene swelwi mwa lizoho la Mulimu, yene yemela “mulumiwa” kwa lusika lwa keleke yateni. Yomunde hahulu ye Ni kona kunahana yanali mulumiwa kwa lusika lwa keleke ya Maefese (kakuli Bibehe ha ibuleli yo ali yena) neli Paulusi; kakuli ki yena ya na kalisize keleke ya Maefese mi neli yena mubuleli wa lusika lwa keleke yani; yana tizize Liseli kwa Keleke, leo Muhalalehi Joani na ti lo pamula kuzwa fani. Mi cwale Polycarp, ni kutaha fafasi cwalo . . . Polycarp, nitaluse, kushetumuka cwalo.

<sup>7</sup> Cwale, Lusika lwa Smirna, Ni lumela ka zeo kaufela . . . ze Ni konile kufumana, neli Irenaeus. Mi Ni bata cwale ku mifa libaka le Ni ketezi Irenaeus kufita Polycarp. Cwale, buñata bwa baituti ba za bulapeli kaufela ba bata ku nahana (ni baluti ba Bibehe) kuli lingeloi ne li Polycarp. Polycarp na li mulutiwa wa Muhalalehi Joani, yeo ki niti. Mi Polycarp akwala . . . na—na li mubulaiwa, ba mu taba fa pilu ni ku mu bulaya. Cwale, kono na li muuna yomutuna, muuna ya kutekeha, muuna yatezi bumulimu, yomunde. Hakuna ku kakanya nali alimuñwi wa Bakreste babatuna ku be lukile lwaba ni bona. Mi nekusina se ne mu ka bulela ka kulwanisa bupilo bwa hae.

<sup>8</sup> Libaka le Ni ketezi Irenaeus: kakuli Ni lumela kuli Irenaeus nali bukaufi hahulu kwa Mañolo kufita Polycarp mwa na bezi. Kakuli Polycarp na yendamezi hahulu kwa mukwa oswana ni mutomo wa kopano ya Siroma. Mi—mi Irenaeus na u lwanisa hahulu, na unyaza katata luli. Mi cwale, sina ha lu ziba kaufela, taba yetuna ne isweli kutaha kwa katengo ka ba Nicene Council; ilimu ya litaba zetuna ne li kuli kana Mulimu neli *babalalu* kamba Mulimu neli *alimuñwi*. Mi Irenaeus anga neku la kuli Mulimu neli Mulimu, cwale, Alimumu feela.

<sup>9</sup> Mwendu ni bale mwa litaba za *The Ante-Nicene Fathers*, buka yapili, likepe 412, litaba nyana fela zelikani; haiba mubata kuñola, buka yapili ya *The Ante-Nicene Fathers*. Mi ni fa likepe la twelufu, mi ki . . . Haiba mubata buka yateni, ki siemba sa mafelelezo mwa buka ya bulalu. Mwakona kubala taba kaufela; kuna ni likauhanyo zeñata nyana mwateni, kamba mibamba yeñata nyana. Cwale Ni kala kubala fa mafelelezo—fa mafelelezo a timana ya twenti kamba, litimana ze seti za yona. Hanina ku ibala kaufela yona, kono ki siemba sa yona feela:

“Litaba zeñwi kaufela ze cwalo kakuba . . . li tisa lilumbatina la alimuñwi mi ili Mutu yaswana;” (Mwabona, ulika kubulela mo ne ba Mu bizeza, ‘Ndate, Mwana, ni Moya o Kenile,’ mi ki

hali, “Ao ki *malumbatina*, isiñi mabizo, malumbatina a Mutu Alimuñwi.” Ona zeo mane kona ze lu luta ni kacenu.) “kakuba, mutala” (mi cwale mwa manzwi aekelizwe) “(mwa Sikuwa), *Mulena yana ni Mata, Ili Mulena Ndate wa lika zoote, Mulimu Yamata kaufela, Muambakani Yapahami, Mubupi, Muezi*, ni ze cwalo. Ao ha ki mabizo ni malumbatina a kuyolisa batu ba bashutani, kono ki a alimuñwi mi ya swana,” (Amen!) “wa libizo la yena Mulimu alimuñwi, Ndate, ki . . . Yena—Yena wa lika ze kaufela . . . yafile ku bao kaufela . . . ba bapila, bunde bwa kupila kaufela.”

10 Irenaeus u bulela kuli “Malumbatina aa kaufela a felela mwa Libizo li liliñwi, mwatasa Mulimu alimuñwi, mi ki malumbatina fela a za Nali zona.” Nali yena Palisa ya Sharoni. Sani kona sa Na li sona. Leo ki lilumbatina. Nali yena Naleli ya Kakusasana. Nali yena Alfa. Nali yena Omega. Ao ki malumbatina a za Nali zona. Nali Ndate. Nali Mwana. Nali yena Moya o Kenile. Kono yo ki Mulimu *alimuñwi*. Mulimu alimuñwi, mi Libizo la Hae ki Lililiñwi. Mi leo kona libaka linosi ha Ni hupuzi kuli Irenaeus na li ya lukile ku za hae—mwa mubonelo wa lika za hae faa, kamba toloko ya Mañolo.

11 Nto yeñwi ye Ni tabela ku mi balela, ifumanwa mwa buka yeli: *Li Ezahalile Cwani?* Mi taba ye ki kuya ka bañoli ba litaba za kale. Mi, *Li Ezahalile Cwani?* Ka R. C. Hazeltine, litaba za kale za likeleke za makalelo. Mi fa fa likepe la 180: “Limpo za Moya Mwa Nako ya Irenaeus, A.D. 177 kuisa ka 202.” Cwale, libaka le Ni balela litaba ze, li ka tepiñwi, mwa bona, mi—mi lika talimwa ka swanelo mwa libuka:

“Ne li mwa nako ya Irenaeus kuli buñata bwa ba keleke ya Apostolic church ya France neina ni limpo kaufela za Moya o Kenile.” Zeo ne lizwa mwa tuto ya hae, mwabona. “Ma membala ba keleke ya Irenaeus kwa Lyon,” kwani ki kwa Lyon, France, “ba bulela ka malimi. Ne si nto ye nca kubona mutu ya shwile ha zuha kwa bafu. Foliso neli—foliso neli ponahazo ya zazi ni zazi mwa lisebelezo kaufela za bulumiwa . . . za bulumiwa mwa likeleke kaufela.” Luli Irenaeus na ziba kuluta! “Limakazo neli za kamita. Mane, likeleke zani ne li si kaba kusina liponahazo za limakazo za pata ya Mulimu niha ikaba ka pono, kuyemisa libupiwa za taho, mwa makazo, ku hupulisa Bakreste ba buevangeli ba lizazi lani, ne bali balutiwa ba Hae ba balatwa. Kono kuzwa kwa litaba za kale kwa mulaho, halukoni kufumana nihaiba mululwani ulimuñwi wa kuzusa bafu mwa keleke yapili ya Roma.”

12 Bao ki batu ba ba sa . . . tokomeli za kwa neku lifi kaufela, bona ba bulela fela niti. Ki baituti ba za kale.

13 Kona ha Ni hupula kuli Irenaeus, kakuli, mwa bona, nana ni tumelo yeswana yeo Paulusi ni balutiwa ne ba mu tambekile. Ki kabakaleo ha Ni . . . lumela kuli ne li yena lingeloi la keleke

ya Smirna, kakuli na li . . . nana ni lituto zeswana za Mañolo; ni lituto zeswana za Mañolo fa mayemo a Linzwi la Mulimu lika tahisa lika ze swana ka nako kaufela. Haiba uka ikungela fela muzamao wa Mulimu ni ku ulatelela ka swanelo, hakuna taba ka se libulela likeleke, latelela fela ona mo u bulelela, uka ku tahiseza lika zeswana. Mi ona seo kona sa na ezize Irenaeus.

14 Cwale, Ni sepa kuli Polycarp nali muuna yomunde, mwa utwisisa; kono Ni bulela kuli na yendamezi hahulu ku za ku ongaonga keleke, mane inge Manikolai mo ne ba ezeza. Ne ba sweli kuongaonga keleke, ni—ni kutisa sizwale hamoho. Ze ne bonahala kuluka ka zibo ya butu, kono, mwa bona, Moya u kwapili hahulu kufita za minahano ya nama konji . . . ha mu sa nahana zende kuza—kuza Moya. “Milelo ya ka ye pahami ki ye pahami kufita milelo ya mina,” kubulela Mulimu. “Linzila za ka lipahami kufita linzila za mina.” Kona kuli kuna ni fela nzila iliñwi ya kueza cwalo ka yona; ku Mu latelela fela ka mihato ye tomilwe. Yeo ki niti.

15 Cwale, lwa kona ku nahana kuli, haiba muzwa kwanu . . . Haiba Ni ya kwa Chicago busihu boo, Na kona kuyo ikungela kampasi masupeza nzila, ni kubulela kuli, “Cwale ha luboneñi, Chicago ifumaneha neku le. Ku lukile, Ni ka nanuha.” Hanina kuzwa mwa Jeffersonville. Mwabona? Ni lukela ku ba ni mapa ya mwa nzila. Mi kuna ni—kuna ni sibaka . . . nzila ye swanela ye Ni lukela kufita kwa Chicago mwa lihola ze sikisi kamba ze sebene ha ni zamaya ka mota, kono ha Ni koni kupumahanya fela nzila isili. Fulai haikoni kufita fela nzila isili; ina ni—ni mo ilukela kufita fa butelele bobuñwi fo ina ni kufufela, bupahamo bo ina ni ku fufa kuina ona foo.

16 Kuna ni nzila ye ezizwe, mi ni Mulimu una ni nzila. Mulimu una ni nzila ya Keleke ya Hae, ya sicaba sa Hae. Mi Na si ka bata kuli I zamaiswe ki mapope, baika ba za bulapeli, mabishopu babatuna, kamba batoneli babahulu. Moya o Kenile ki yena Muluti wa Keleke ya Mulimu yapila, kuli a I hulise. Mi ba za kukena kaufela musike mwa yanga ku muika kamba muprisita, ku muezwa kuba muuna ya kenile mwa—mwa keleke, sika kaufela. Keleke ina ni tukelo fela . . . sina tukelo ya kuba ni Moya o Kenile sina mukutazi kaufela, mulisana, dikoni, musepahali, kaufela seo ali sona. Keleke!

17 Mi libaka le ba ibizeza kuli Mani-kolai . . . Sina ha ne lubile ni zona maabani busihu, Manikolai, ne lu abile linzwi leo kuli zwisa mwa Sigerike. Mi N-i-c-k-o, nelitalusa . . . *Nicko*, li talusa kuli “ku koma kamba ku hatelela.” Sikamañi? N-i-c-k-o, Kuma, *keleke*. “Ku koma keleke,” ni ku ihatelela ka ku bafa mulao wa batu, batu ba za bulapeli baba ka ba luta niku . . . ni kuba ni mibonelo ya bona bañi hamoho. Cwalo kona katengo ka ba Nicene Council mo ne ka tomezwi. Kakuli babañata ne ba tahile hamoho ni kutoma mulao mwa katengo ka Nicene Council.

Ha lu . . . lati kubulela hahulu zeñata ka zeo, kakuli zeo ki za Labune busihu, mwa katengo ka Nicene Council.

<sup>18</sup> Kono kwani kona koo Keleke ya Roma ya Katolika ko ne iongaongezwi, kuzwa mwa sikwata sa batu bene bali balutiwa ba Muhalalehi Paulusi, ni Irenaeus, ni Muhalalehi Martin, ni kushetumuka cwalo. Ne ba li Bakreste baba zwile kwa . . . bulapeli bwa milimu kutaha kwa Bukreste, kono ne ba bata kuhohela keleke mwa bulumiwa bwa Testamente ya Kale, inge ka za kuba ni buprisita babatuna, ni—ni kuyolisanga baapositola, sina pope yomuñwi kuya ku pope usili, ni pope usili. Haiba lukona kushetumuna cwalo ka Bibebe ye, mu ka fumana fela kuli yeo kona niti luli ni moo Mulimu na nyazelize lika kuzwa kwa simuluho luli; ni lusika lwa keleke ya maabani busihu, naize, “Ni li toile!” mi ni Keleke ne ili toile ni yona.

<sup>19</sup> Mulimu na si ka lukisa kuli Keleke ibusiwe ki batu. Mulimu ubusa Keleke ya Hae, mi U ibusa ka limpo za Moya. Limpo za Moya li mwa Keleke kuli li sikulule moya. Una ni baktazi ka lipizo ze ketalizoho mwa Keleke ya Hae. Bapili ku bona ki baapositola, kamba, balumiwa. Mulumiwa kona pizo yetuna hahulu ku zeliteni ki, muapositola. Linzwi la kuli *mulumiwa* litalusa “ya lumilwe”; *muapositola* litalusa “ya lumilwe.” Ze ne ba ketezi kubizwa balumiwa, Ha ni zibi. Kono ki baapositola. Ku lukile. Baapositola, bapolofita, baluti, babuleli, balisana. Cwale, zeo kona litulo ze ketilwe za Mulimu za Keleke ya Hae.

<sup>20</sup> Mi cwale mwa keleke ifi ni ifi ya mwa sibaka kuna ni limpo za moya ze naini zetaha mwahala sicaba, zeo ki, zibo, butali, limpo za kufolisa, kusebeza limakazo, kubulela ka malimi, toloko ya malimi. Mi lika zeo kaufela liya mwa mubili ufi ni ufi kaufela wa mwa sibaka. Mi mutu kaufela mwa keleke una ni bulumiwa bwa hae anosi, mi bulumiwa bwa hae anosi boo bu ka zamaelela hamoho ni bulumiwa bwa babañwi, ili kuhulisa Mubili wa Jesu Kreste. Mi hakuna . . .

<sup>21</sup> Cwale, muhupule taba ye, kuli ki ye . . . Ni ka swanisa milaini ye busihu boo. Keleke ya pili, Efese; Smirna, Pergamosi, Tiyatira, Sardis, Filadelfia, Laodesia. Cwale, muhupule taba ye hainze i zwelapili, keleke ye neina ni mutalelela wa Moya, kono kwa mafelezo a lusika lu fumana kuli No sweli kukashezwa fande. Lusika lwa keleke yene tatami ya hamula hape; kuhamula hape; mane kuto fita ni ku *loo*, nekuna ni fela katowati ka kanyinyani kihona. “Una ni lika ze likani,” Mi ali. Oh, ha luka fita kwa Lusika lwa Keleke ya Tiyatira lwani!

<sup>22</sup> Cwale, ha ku felile zeo, Mulimu a zusa mu German wa libizo la Martin Luther yana tilo nyunga Keleke kukuta hape. Ne ikalile nyana mwa butuna, a kutaza Kuluka; mi kwa taha Martin Luther, akutaza ka za Kuluka. Hamulaho kwataha John Wesley mi a kutaza za Kukeniswa. Mi cwale mwa lusika lwa keleke *lo*, ba kutela hape kwa mulaho kwa Kolobezo ya Moya o Kenile

hape, ka lisupo zeswana ni ze komokisa, inge litaha cwalo. *Mo* kona mo ne li yezi mwa myaha ye mianda ye mashumi a fifitini ya Masika a Lififi. Mi kwani kona koo lififi lelituna hahulu . . . kamba ki nako yetelele hahulu ye lunani mwahala masika. Mi cwale *fa* kona fo ikalela, Kuluka, Kukeniswa, Kolobezo ya Moya o Kenile. Mi Bibebe ibulezi kuli, “Kwa mafelelezo a lusika *loo*, kuli sikwata nyana se si ka hamuliwa kakuli keleke yeswana ya Pentekota ika kala kueza lika ze swana ze ne ba kalile kwa mulaho *kwanu*, Manikolai.” (O Mulimu, tuhela ni kwale mulomo waka kufitela Ni fita ku sona.) Mwa bona? Ki sikamañi se Ni bona faa. Mwabona, konji ha mu ka bona fateni. Mi Ni ka mi bonisa kuli mulumiwa kwa keleke ya lusika lo uka toya likopano. Moya uka taha mwa bana. Se kubile cwalo kamita. Mi cwale luna ni . . .

<sup>23</sup> Cwale, haiba mu ka lemuhla nto ye, mo ne I bezi yetuna fa, ya zwela kwande, mi mafelelezo ya to Li kasheza kwande kaufela. Mi I kala hape. Luther a Li kutiseza mwateni, Kuluka; Kukeniswa; Kolobezo ya Moya o Kenile; mi hape kwa nako ya mafelelezo, wa Li hatelela hape, kufitela Li zwela kwande kaufela lona, kuna ni fela lelinyinyani mwateni, mi foo kona fa huwela kuli “Haiba Haana kupumela musebezi fahali bakeñisa Baketwa, hakuna nama ye ka piliswa.” Mwabona? Ki fo he cwale, ki kwa nako ya maungulo. Cwale mu hupulange zeo.

<sup>24</sup> Cwale lu ka kalisa mwa Lusika lwa Keleke ya Smirna loo. Pili Ni bata ku lu shetumuna fa pampili fa ye Ni—ye Ni nani. Cwale, lusika lwa keleke ya bubeli kakuba Smirna, mi Na lumela ni mina kaufela mu ka lumelana ni nako (kamba Ni sepa kuli mu kaba cwalo, kamba licika, nihakuli cwalo) mi Irenaeus neli yena naleli kwa lusika lwa keleke yani. Na li mulumiwa wa Mulimu kakuli na nyungile naha, kukena mwa France (Gaul), mwatasi mwani, mi a toma likeleke, mi mutu ni mutu wa bona na tomilwe fa kolobezo ya Moya o Kenile, kubulela ka malimi, kuzusa bafu, kufolisa bakuli, kuyemisa pula, ni kueza limakazo zazi ni zazi. Ne ba ziba kuli Mulimu yapila na pila mwahala sicaba. Yani neli muuna wa Mulimu, kakuli Jesu naize, “Hakuna mutu yakona kueza . . .” Kamba, si—si sicaba sali, “Hakuna mutu yakona kueza lika zee konji Mulimu ha li ni yena.” Ne li Nekudema ya na bulelezi Jesu cwalo.

<sup>25</sup> Cwale, muleneñi wa litekisano; litekiso ze ne ilo punya kwa Lydia ni kwa wiko. Muleneñi o wa bulalu kwa butuna mwa Asia, muleneñi ono na ni likamba lelituna la litekisano. No zibahala ka bufumu, litempele, miyaho, likolo, mulyani ni sayansi. Majuda ne ba pila kwa—kwa Smirna, mi ne ba hasanya linzwi kwa batu ba mwa Smirna. Polycarp neli yena mweli kwa ma bishopu ba mwa Smirna. Polycarp ni batanga babañwi baba sepahala ne ba tomile tumelo yetungile ya Mulimu mwa balumeli ba mwa Smirna. Bashemi ba keleke yapili ne ba tiisa kususueza Niti kwa Smirna.

<sup>26</sup> Lusika lwa keleke ya Smirna, libizo la keleke neli Smirna, *Smirna*, nitaluse, leli talusa “kubaba,” mira. Ne li tamahana ni bafu, kakuli ne basweli kushwa.

<sup>27</sup> Keleke ye ne nyandisiwa, Mulimu na ba biza kuli “ba manyando.” Mulimu na talima fa manyando a bona, mi abafa sishemo sa kuitiisa ku ona. A talima fa manyando a hae, mi abafa tulo ya lifu. Atalima fa bubotana bwa bona, mi abafa bufumu ku Yena. Keleke ya Smirna ya fita mwa ondo ya mulilo wa nyandiso, kono, neli munko omunde ku Yena. Bani kona bo Masiyaleti cwale, isiñi ba keleke ya Smirnaean kaufela; kono ki bo Masiyaleti fela bo Ni bulela. *Mazazi a lishumi a manyando* amatuna atalusa “lilimo ze lishumi za nyandiso ya kusulula mali.”

<sup>28</sup> Ha ni zibi haiba Na kona kupeletela libizo le, kamba ku libulela, kamba nee. Yo neli yena mulena wa nako yani, Ni lumela kuli yani neli yona nako yene suluhile hahulu mali mwahala lilimo kaufela kuzwa kwa Nero ka 67, D-i-o-c-l-e-t-i-a-n. Ka silimo sa 303 kuisa 312 A.D.

<sup>29</sup> Mulimu u lumba Smirna ka kusepahala kuisa kwa lifu, sina mwa Na inezi, “Mi Ni ka kufa mushukwe wa Bupilo, sina Ndate ha Ni file.” Mulimu na sepisize mukomi (mwa nyandiso) kukoma lifu, “Usike wa saba ya bulaya mubili, kono Ya kona kusinya moyo, kamba, ku bulaya moyo.” Ki . . . Ba Smirnaean na lukela ku itiisa kuisa kwa maungulo, “Usike wa saba batu, mi mushukwe wa Bupilo uka fiwa ku wena.” Nyandiso ya Bukreste mwahala masika i swanisizwe mwa masika a keleke, a Smirna, a butokwa hahulu. Lu ka bata ku litalima nyana fela, haiba Mulena alata.

<sup>30</sup> Cwale, haiba mina babañwi mu mbwinja lika zeñwi ze halunze. . . haiba Ni li ñola kapili kwa nyangela ya sitopa kaufela, kona kuli luka. . . lu fa. . . mwakona ku linga ku luna ka nako kaufela ye mubata, lu ka tabela ku—ku mifa zona. (Muni swalele.)

<sup>31</sup> Cwale fa kauhanyo ya 2 ni timana ya 8, ha lu kaleni busihu boo. Cwale, ki sikamañi se ne lu Mu siile ku sona maabani? Na li. . . ya toile Manikolai bani. Kana ku cwalo? Cwale ki sikamañi sa eza Mulimu? Ki sikamañi se lu lukela kufumana pili? Sinulo ya Jesu Krete, Yo ali Yena ni seo Ali sona. Cwale nto yetuna yetatama, lu fumana cwana kuli U toile nto kaufela ye ka beya sika kaufela sa kubusa Keleke ya Hae kwanda Hae kasibili. Yena ki Mulimu ya lifufa.

<sup>32</sup> Mo Ni batela kuyemela foo, kakuli luna ni fela litimana zene fateni, kuli ni bulele fela nto yeñwi. Ki ba bakai ba bakona kuhupula fani mupolofita yomunde, Samuele, fani Isilaele kaufela hane ibata kueza sina lifasi? Kana mwa hupula cwalo? Mi mupolofita a ba bulelela, ali, “Mu fosize!” Kono ne ba bata kueza sina Mafilisita, mi sina ba—ba bañwi ba bona.

Kihande, ona zeo kona ze ne ezahalile mwa lusika lwa keleke ya pili yee. Ki nto yenca kuli sicaba ha si lati Mulimu ku ba etelela. Ba bata kulatelela . . . ba bata mutu usili fela. Isilaele, a eza mafosisa amatuna hahulu mwahala a mafosisa a hae kaufela, mi . . . Sishemo ne si ba file kale mupolofita, mueteleli, a bafa ngunyana ya sitabelo, mi a bafa lico ze zwa kwa lihalimu, mi ni lika zende kaufela zeo sishemo ne si ba file, mi niteni, mwa Exoda 19, ne ba bata mulao. Ne ba bata kueza baluti ba za bumulimu, mi baketa baana, ne ba bata kuba ni sa kueza ku Sona, hape.

<sup>33</sup> Mutu kamita ulika kufita Mubupi ya mu bupile, kono hakuna sa eza kwanda ku ipulaya fela. Sina Lisunda nyana zefitile kwa mulaho Ne ni kutaza ka za—za *Bulapeli bwa Mazwake*. Mi yeo ki niti. Ha mu zwakanisa sika kaufela, ha si na . . . kipeto sa fela! Si felile, ha si koni kuitahisa sona siñi hape. Mule haikoni kupepa ni kuba ni mule yeñwi, kakuli ki—ki mule, ki ya mazwake. Mbonyi yende, hamukoni kulima mbonyi yende kuzwa mwa mbonyi yende ya mazwake. Haina kuba mane . . . Ya kona kumela, kono ki—ki, oh, ha ki yende ni hanyinyani. Hamukoni kueza cwalo. Sika kaufela sa mazwake ha ki sesinde.

<sup>34</sup> Mi bulapeli bwa mazwake ha ki bo bunde! Haibile fela ulika kuekeza sika ku sa bulezi Mulimu, kamba kueza sesiñwi seo Mulimu alati kuli ueze, ki bulapeli bwa mazwake. Za kona kubonahala hande. Oh, mbonyi ya mazwake ifita mbonyi ya luli. Mule ya kale ika beleka katata kufita limbongolo zepeli. Kihande, zeo ki . . . Ha li beleki, muzwale, ki ka sishemo ha lu pilisizwe. “Ha ki ka misebezi ha lupilisizwe, kono ka sishemo.” Kona kuli seo sikona . . . Ni sepa ha mu nahani kuli litaba zee . . . Muna—muna ni kuina mwatasa kapelezo, mi Ni—Ni ikutwa cwalo ni fahalimu faa. Mwa bona? Kakuli kuna ni ba Presbyterian, Methodist, ni mifuta kaufela moo. Lwa ziba cwalo. Mi kacwalo Na—Na utwa cwalo. Mi muna ni kuikatulusa nyana fa ni fa, cwalo kuba ni kunyunguwa nyana.

<sup>35</sup> Cwale, muteeleze. Sika kaufela sa mazwake ha ki sesinde. Muna ni kunga za makalelo, ona cwalo Mulimu mwa na li bupezi, kipeto muna ni sika sa niti.

<sup>36</sup> Cwale, lu fumana cwale kuli keleke ya Isilaele yee, ha ne ba fita cwalo, Mulimu na ba fepa, mi aba babalela, ni kuba ezeza lika kaufela. Mi kwa nalulelule ba talimela kwa Mafilisita, ni Maamori, ni ma . . . ni babañwi ba bashutana, mi bali, “Lu bata mulena! Bana ni se lu sina luna.”

<sup>37</sup> Yeo ki nto yeswana sicaba mo si ezeza kacenu. Babañwi ba bona, likezeli za luna, ba ka buha fa mazimumwangala ni kubona bo Gloria Swanson, kamba mañi kaufela yoo . . . babañwi ba basali bani ba mufuta wa ndelesi yeñwi ya apezi, mi habakoni fela kuitiisa konji ba itine. Mwabona? Ha mubona musali mwa tolopo yepatehile, “Oh, ha ki yomunde yani nji?” Mu



bilaelela sikamañi mwa tinezi? Sicaba, kona mo siinezi fela ona cwalo, Ni bulezi kuli ki lizazi la—la malikanyiso, mutu yo ubata kulikanyisa yomuñwi. Mu nga li. . . Kuna ni babañata hahulu bo Elvis Presley cwale, Na—Na mi bulelela, hamukoni ku ba longa mwa limota kuli ba kwane, kakuli ubile ya zibahala mwa lika za nama- . . . malikanyiso!

<sup>38</sup> Luna ni nto yeswana mwa bulapeli. Ki . . . Ne ni sweli kubala litaba za kale za Martin Luther, mane ufi ni ufi wa mina kaufela ba ikale mwa ziba cwalo. Ba bulezi kuli ne si nto ya kunutu kuli Luther hana konile ku zwa mwa keleke ya Katolika ka yona, kono kunutu yetuna hahulu, yana konile neli kupaheka toho ya hae fahalimwa bufitelezi bwa tumelo kaufela bo ne bu latelezi ancafazo ya hae mi a zwelapili kupila ni Linzwi. Yeo kona makazo, ka mo Mulimu na mu bulukezi hande mwa nzila ye swanela.

<sup>39</sup> Cwale, kacwalo ba taha ku Samuele yoo. Se bali, “U lu ezeze mupo- . . . kamba lu ezeze mu—mu mulena.” Mi Mulena amu bulelela kuli Na hanile mulelo wani, ona cwalo fela za Na hanile mwa kopano yee.

<sup>40</sup> Kuswana fela sina mwa Na hanezi zani, U hanile tutengo. A hani baputehi, kono katengo. Muputehi, luna ni kuba ni bona. Kono katengo ha lu lukeli kuba ni kona, kakuli ka tisanga milulwani: “Ki luna ba *Kuli-ni-kuli*.” Kana u Mukreste nji? “Ni wa Methodist.” Kana u Mukreste nji? “Ni wa Baptist.” Zeo ha li talusi nto isili kufita mulaka wa likulube. Zeo halina za kueza ni Sona, ni hanyinyani. Ki Mukreste!

<sup>41</sup> Ne ni buzize musizana busihu bobuñwi, kwa katala, “Kikuli u Mukreste nji?”

Ki hali, “Kupalañi, Ni ka kutusa kuli u utwisise, Ni tukisanga kandela busihu ni busihu.” Inge kuli zeo mane lina ni za kueza ni Bukreste!

<sup>42</sup> Muuna yomuñwi ali, “Kihande, Ni mu American. Luli!” Kihande, zeo halina sa kueza ni Sona, ha ki sika. U Mukreste kakuli u wa siemba sa Mubuso usili. Yeo ki niti. Mi u—u mwa Mubuso usili, wa kwalihalimu.

<sup>43</sup> Cwale, ki sikamañi sa na ezize Samuele? Ki nto yeswana fela ya na ezize Mulimu fa. Samuele a biza Isilaele hamoho, ki hali, “Cwale, amu ni teeze. Ni bata ku mi buza nto yeñwi. Kana kubile nako ni ye kana ye Ni kile na mi bulelela taba ye si ya niti?” Ali, “Ni—Ni mupolofita wa Mulimu mwahala mina. Mu ni bulelele nako ilinwi ye Ni kile na mi bulelela sika kaufela ka Libizo la Mulena ze ne si ka ezahala.” Kona za na ba bulelezi Samuele. Mi ali, “Mi kana Mulimu ha si ka mi fepa ni ku mi babalela ni kueza lika ze kaufela?” Ali, “Mu eza sibi ka kulika kueza sina linaha zeñwi.”

“Oh . . .” ba bulela.

44 Ki hali, “Ni bata ku mi buza nto yeñwi. Kana Ni kile nanga masheleñi ku mina? Kana Ni kile na mi kupa nubu? Kamba Ni kile na mi bulelela taba ka Libizo la Mulena ye si ka ezahala?”

Ba li, “Batili. Wa li kuba unge masheleñi a luna, yeo ki niti. Mi wa li kuba u lu bulelele taba kaufela ka Libizo la Mulena ye si ka ezahala.”

Mi ali, “Kona kuli ha mu ni utwe! Mu eza sibi ka kulika kulikanyinya babañwi.” Kono ne ba bata mulena ni hakuli cwalo! Kamba ne li nto yende kamba ye maswe, neba—neba bata kuba ni munahano wa bona.

45 Kona nto yeswana yene i ezize keleke kwa Efese kwani, ne ba amuhezi tuto ya Manikolai. Mi ba si no eza cwalo, ya ba kasheza mwa cinceho ya buhedeni bu Bukreste hamoho mi ya ba tiseza Masika a Lififi ka myaha ye mianda ye lishumi ni ye ketalizoho. Mi cwale Luther a to ba lukulula mwateni, haiba (ka nako ya bubeli) ma Lutheran ne ba si ka eza nto yeswana yene ba ezize kwa mulaho mwa Efese! Luli.

46 Cwale, haiba mu lemuha, malambi na si ka ina ona *cwalo*. Ba kala ka nzila ye *cwalo* kutaha inge ba pahama. Kihande, yomutuna hahulu kuzwa fa Na yemi neli yo fahalimu *faa*. Mi Bukreste hanyinyani fela bwa hamuleha kwande sina ha bu zwa fa Na yemi mwa ponahazo ya sifapahano, sina ha lu ka Mu bona mwa kauhanyo ya 4; mwa ponahazo ya sifapahano *cwalo*. Mi le ki lizoho la Hae la silyo, *lani* ne li lizoho la Hae la nzohoto. Cwale, ona *fa*, Na beile lizoho la Hae fa keleke *ye* ni keleke *yani*. Nali zepeli cwalo Alfa ni Omega mi, eeni sha, lika kaufela nelili mwahali a zepeli, mañolo amañwi kaufela. Kono A bulela hande kuli, “Alfa ni Omega.” Na na ni nambwamutalati fahalimwa toho ya Hae, yeneli bulikani bwa Hae.

47 Cwale, haiba mu lemuha, liseli la Pentekota, ko ne li kalezi, ka hanyinyani hanyinyani la hamuleha kwande. Baana ba, bo Irenaeus, Polycarp, kaufela baba siyezi ba bona ba kwahela bupaki bwa bona ka mali a bona, kufitela ha li hamula Bukreste kukena mwa mazazi a lififi hahulu.

48 Cwale mutalimele, lusika lwa keleke yapili kwa neku leliñwi kwani, kwabuse ne kutaha Liseli nyana lani, Liseli lelituna nyana, mi ni Liseli lelituna nyana. Mubone mo Li kalezi ku monyehela hape, kutaha kwa lizazi lani. Mi cwale kwa mafelelezo a lusika *lo*, ku bulezwi kale fa kuli li ka fita kwa *Laodesia*, ka “mufutumala.” Cwale, ki se fa. Kiñi, haiba taba *ye* fa ibatisize ku *se*, ki kabakalañi ha lu ka bata zeo kutaha kwatasi mwa Pentekota?

49 Mi mwa ziba Bibebe ibulezi kuli, “Ku kaba sibatana.” Mi lwa ziba kuli bwani ki bupope bwa Siroma. Yeo luli ki niti. Mi kipeto ba ka eza siswaniso sa sibatana. Siswaniso ki sikamañi? Ki sika se si swana nto yeñwi. Mi zeo kona swalisano ya likeleke, mi Pentekota i mwateni. Ku ka taha nako ye mu lukela kuba wa

siemba sa katengo ku si cwalo hamuna kukwalula minyako ya mina. Cwale mubone haiba yeo ha ki niti! Kona ha lu ikataza hahulu kuisa lifu. Eeni, sha. Ha mukoni. . . Mwatasi hahulu kufita foo, ba ka lika ku mi hatelela hahulu, kufitela ha lika ku. . . habana ku mi lumeleza kuleka kamba kulekisa konji ha muna ni nombolo ya katengo. Ba likenya hande mwateni.

50 Kuswana fela sina lizazi lani, neba ba cisize, neba. . . Ne ni yemi kwani mwa sibaka sani; na lila inge mbututu ha Ni talima balwani ba mikwale bani inge bainzi mwa sibaka sa kale sani. Ni—ni ku bona lika zani, ni kuziba kuli buñata bwa Bakreste mizwale baka ne ba cilwe ki litau ni—ni kupazaulwa mwa liembalemba mwa mubu mwani, mi basali ni bana ni lika zeñwi. Mi Na sepa, haiba kaufela ne ba totobezi mwa tumelo, kana Ni ka ba tuhelela cwale? Batili, sha, muzwale! Mulimu, halu boneñi ni yemele Tumelo ye kile ya fiwa hañwi kwa balumeli! Yona Nto yeswana yani, hakuna taba ka mo ni sa zibahaleli. . .

51 Kuna ni ya bata kubulela kamita kuli, “Kihande, . . .” Kuna ni yana bulezi ha ki kale hahulu. . . Oh! Ki ba bakai babuleli mwa simu baba ni bizize ni kubulela kuli, “Muzwale Branham, ha u sa tuheli zeo, katengo kaufela kaka kulwanisa.”

52 “Kiñi,” Se nili, “kuna ni Alimuñwi yasike kuba cwalo, yani ki Yena yali mwa Lihalimu. Yani ki Yena ye Ni bata.” Mwabona? Cwale, Na lata batu mwa kopano ifi kaufela. Luli. Kono kana Ni kile na mi bulelela sika kaufela kuli Mulena. . . ka Libizo la Mulena, se si si ka ezahala? Mwabona? Kana lika kaufela li bulezwi ni kuezwiwa ka swanelo? Kana Ni kile na mi kupa mashelēni? Kona kuli amuzwe mwa likopano! Mu pile ka kulukuluha ku Kreste, mubone kuli Moya o Kenile kamita uzamaye mwahali ni fande a keleke.

53 Nto fela ye butokwa, muzwise lifapahano kaufela mwahala mina kwa mizwale. Tukutwana nyana, ni maikuto nyana a lishano mwahala mina, ni lika ze cwalo, mu li zwise ku mina! Usike wa tuhelela mubisi wa bumaswe kukena mwa moyo wa hao. Haiba uku kenela, uka ku ku bolisa. Kulukile. Ipulukele lilato! Hanina taba kamba batu ba ku toile cwani, wena ba late kupale kumane. Ha u sa koni kueza cwalo u tokwa. . . si. . . ha u si. . . ha u si ka swaiwa kale, u sa na ni sibaka se si si ka tamiwa hande. Kona kuli, kuta kwanu, mi utamiwe hande ka Mali a Kreste. A ka ku kenisa kwa mubisi kaufela wa buhali. Eeni.

54 Cwale, mwabona, kono lwa lika hape. Mbuyoti ya Pentekota ya wa ka 1906, fokuñwi mwahali mwani. Kuna ni mukutazi yaliteni ni luna mo busihu cwana, ki mulumiwa ya zwa kwa Tibet, alimuñwi wa ba ba-. . . Ha ni buleli cwalo kakuli uteni; Ni sepa kuli ha si ka kuta kwa hae. Na sepa u sa li moo, na ka lu kutaza nyana Ni si ka taha kale. Mi muuna yani wa hupula Pentekota yapili. Ne kusina kopano ni yekana, mutu ni mutu nana ni lika zeswana. Oh, mo ibezi nto yebunolo kuya ka

muhato o maswe foo, mane ni mo li bonahalela bunde kwa ngana ya butu.

<sup>55</sup> Cwale, kanti mane Isilaele ne sa zibi fo ne ba yemi fa likamba fani, inge ba huwa . . . Cwale, mu li, “Bulapeli bwa mufuta wo ki bobunca.” Kiñi, ki bwa kale ku ze liteni kaufela. Luli. Mane kale lifasi li si ka eziwa kale, ne ba huwaka ni ku lumba Mulimu. Mulimu na bulezi cwalo, a buza Jobo, “Na li kai fani li—fani linaledi za kakusasana ha li opela hamoho, ni bana ba Mulimu inge ba huwa ka tabo.” Fani neli mane lifasi li si ka bupiwa kale.

<sup>56</sup> Kono cwale mutalime fa Isilaele, ne ba boni limakazo. Yeo ki Pentekota ya makalelo; Isilaele, Mapentekota ba lizazi lani. Cwale ne ba hulezi mwa Egepita, Mulimu na ba fuyozi, abafa mifuta kaufela ya lisupo ni ze komokisa, mi a ba lamulela. Mi ha ba yo yema fa likamba lani ni kuba ni mukopano wa Pentekota. . . Ne babile cwalo! Cwale ha mu teezeze. Mushe na opelezi mwa Moya, mi Miriame a pamula kambuli ni kumata mata fa likamba, inza nataka kambuli ka, inza binela mwa Moya; mi bana ba basizana ba Isilaele ba mu latelela, inge ba binela mwa Moya. Haiba nji wani ha ki mukopano wa Pentekota, Nali kuba ni bone ulimuñwi fateni. Kanti ne ba sa zibi kuli—kuli naha ya sepiso neili ka myaha ye mashumi amane kwapili a bona. Neli fela limaili ze mashumi amane kihona. Kono ne u ba tandile myaha ye mashumi amane kuli ba zamaye limaili ze mashumi amane kakuli ne ba ketile nto ye fosahalile. Ne ba ketile kuba ni mulao mwa sibaka sa kutuhela Moya o Kenile ku ba zamaisa, Siita sa Mulilo ne si ba zamaisize ni ku ba etelela. Ne ba bata kuba ni sesiñwi se ba ka ikezeza; ne ba bata kuba ni baprisita babañwi, ni baika basili cwalo, ni tuto nyana ya za bulapeli yene ba ka kanana ka yona, kufita ba zwelepili ni kutuhela Moya o Kenile ku ba etelela. Ne bali mwa Moya; Mulimu na ba file kale lika kaufela, kono ne bana ni kuba ni sika sa kueza ku Sona.

<sup>57</sup> Kuswana fela inge kuzwakanisa lika hape. Musiye fela komu. Musiye fela mbongolo inosi. Musiye fela lico. Ba. . . Sayansi ibulela kuli, mwa *Reader's Digest*, litaba za yona, haiba ba zwelapili kuzwakanisa lico, mi ni batu inge ba lica. . . Inge likuhu, bana ni kuhu nyana yani konji mane haisana mafufa kamba mahutu. Mi haiba iina, iina kufitela ishwa, likona fela kupila mwaha ulimuñwi kihona. Mane masapo a yona a bunolo hahulu hamukoni kupalelwa ku atafuna. Mi batu inge ba icela ona, ki kulyanganisa sicaba. Yeo ki niti.

<sup>58</sup> Mwa ziba, manyalo a kalombe apahami seli fote pesenti mwa United States, ka silimo se si felile. Mi kana mwa ziba sayansi ibulela kuli basali se bali baba bapukile maheta mi ba basisani fa linoka, mi baana se bali ba basisani fa maheta kono linoka se li bapuka kueza bukima? Musweli kuca lipeu ze lyangani, musweli kuca lika ze si zona. Mubili wa hao no bupilwe kuli upile ka lico ze imelela fela. Mi ki sikamani se si ezahala? Se li cinca niheba butu sakata bwa baana ni basali, kuli mane Hollywood, niheba

muso wa luna, ni lika kaufela litezi fela kulyangana. Ki sikamañi sa sweli kueza? Ba sweli kuitiseleza zona bona bañi ka kota ya bona ya butali, basweli ba ipulaya.

<sup>59</sup> Mukutele kwa simuluhu! Mutuhele ze tahile ona cwalo. Mutuhele Mulimu ona cwalo. Mubeye Keleke mwa Moya o Kenile; mi muzwe kwa mabishopu ni mapope bao kaufela ni lituto za mina. Mu kutele ko ne lu kalezi. Mu kute kwa mulaho. Jesu ulukela kutaha busihu boo, u ka bulela kuli, “Ni wa Methodist.”

U ka bulela kuli, “Ne ku si cwalo kwa simuluhu!”

“Ni wa Presbyterian.”

“Ne ku si cwalo kwa simuluhu!” Ki sikamañi sene sili kwa simuluhu? Kutwisiso ya Pentekota ya kolobezo ya Moya o Kenile. Kona mo ne I kalezi.

<sup>60</sup> Kono, mwabona, ne luna ni ku li lyanganisa. Oh, li bonahala hande. Luli. Keleke nyana ye yemi yani inge ibina, ni kuhuwa; ni kushetumuka cwalo mwa mukwakwa, mi batu inge baba posaka macwe, ku ba bona bukuba ka lisheha, ni lika zeñwi ze cwalo. Ze si zende luli. “Kono cwale luna ni Timana, ni tumelo ya Tuto ya Baapositola, mi, oh, Doctor Ph.D., L.L. ma L. amabeli ni D., za *Kuli-ni-kuli* za mulisana wa luna.” Ni kuzwela kwande mi bali, “Ah-man,” inge namani yena ni butuku mwa lingongo, ni kuzwelapili ona cwalo, ni lika za mifuta yani kaufela.

<sup>61</sup> Muni swalele, Ne—Ne ni sa talusi kubulela cwalo. Muni swalele, Ne ni sa talusi kubulela nto yeo cwalo. Mwabona? Ne ni sa talusi cwalo. Zeo ha li swaneli kuzwa ku mutanga Mulimu.

<sup>62</sup> Kono, mutalime, baana kaufela, Na...litile fela mwa munahano waka, mwabona. Kono kuyema ni kubulela lika zeshutana zani kaufela cwalo, kuitukisa ba si ka...mwa ziba, muli, “Cwale, batili, ha u buleli seo hande. ‘Ah-man.’” Ni tabela mukopano omunde, wa Pentekota ya kale ko kuna ni mata a Mulimu a suluha, mi musweli fela ku kalumuka ni kuhuwa ni kulumba Mulimu, ni kuba ni nako yende. Kona cwalo; Moya u sweli sicaba. Kono luna...Hamukoni ku utwa “Amen!” ni hanyinyani, ki “Ah-man.” Kono he, foo kona fo lu fita, mwa bona. Likopano ze li omelezi milala, muikuhumuso... .

<sup>63</sup> Cwale kana muapo-... Kikuli nekuna ni bupolofita ka zeo? Mwa hupula bupolofita bwa Paulusi maabani busihu? “Ni ziba kuli kasamulaho wa kuya kwaka, ku ka taha litongwani ze buhali mwahala mina, mi batu ba sikwata sa mina luli, sa hao... mwahala keleke ya habo luli (yona Keleke ya Roman Catholic yani, ye taha) uka taha mwahala mina ni ku shandaula balutiwa kuli ba mu latelele.” Mi litongwani za Paulusi, lu fumana kuli, ne li ti lo ba Manikolai.

<sup>64</sup> Muteeleze Moya ha u bulela ka mupolifta hape, “Mwa mazazi a maungulo ku ka taha linako zetata, kakuli batu ba ka ba

baitati, (“Kina Dokota wa *Kuli-ni-kuli*, u si ke wa ni bulelela sika ka Sona, cwale. Ni ka ku tusa kuli utwisise Ni wa Presbyterian. Haleluya!” Kamba, “Ni wa Pentekota.”) Ki shutano mañi ye si eza seo, haiba ha u wa Pentekota ka sibupeho? Kutwisiso ya yona, mwabona. Eeni, sha. “Ni wa ba Assemblies.” “Ni wa ba Church of God.” Kihande seo . . . ki shutano mañi ye si eza seo ku Mulimu? Una ni ku ba wa siemba sa Mubuso wa kwa lihalimu kwani, mwabona. Yeo kona niti.

<sup>65</sup> Cwale, haiba—haiba mu bona, ma . . . lika ze kaufela lisweli fela kutamahana hamoho mwa—mwa muzamao. Cwale, I bulezi kuli, “Ba kaba baitumbaeti, ni baikuhumusi, baba lata minyaka hahulu kufita Mulimu.” Oh, ha bakoni kuya kwa keleke la Sunda busihu haibile fela kuna ni tukiso yende fa mazimumwangala. Oh, mawi! Kamita bona . . . Nihaiba likeleke lina ni likwata za balahi ba mbola, ni mikiti ya malyalya a manzibwana, ni mikiti ya papali ya kiriketi, mi, “baba lata minyaka hahulu kufita kulata Mulimu, babana ni ñole, baba seba batu ka buhata, ba basina buiswalo, ni baba nyefula lika zende.” *Baa* banyefula *baale*, mwabona. *Baa* banyefula *baale*, ku ba shemaeta ka bumaswe. Ba nyefuli ba *lika* zende.

<sup>66</sup> Oh, mu li, “Ki ba Swalisano, muzwale.” Oh, batili. Batili, batili.

<sup>67</sup> “Ba inuneki, baba itumbaeta, baba lata minyaka hahulu kufita kulata Mulimu, babana ni ñole, baba tameleza batu litaba, baba sina buiswalo, baba nyefula lika zende, baba na ni *mufuta* wa . . .” Kutwisiso ya kopano, mwabona. “Kuba ni mufuta wa bumulimu, kono ba latula se si eza Mata ateni.”

<sup>68</sup> U kaba sikamañi mwa lizazi lee? Mwabona, “Kuba ni mufuta wa bumulimu.” Kuya kwa keleke ka kuluka fela mo kona kubela, la Sunda, ni kutina tuputula la Sunda musihali, ku ngwenjula lwanda mwa patelo ni kuya kwa Oertel’s 92. Mi mulisana wa keleke u zwela fande ni kuzuba kwai nyana ni kukena hape, mwa ziba. “Kuba ni mufuta wa bumulimu!”

<sup>69</sup> “Kihande, mulisana, bana ni keleke kulo kwani, ba ni bulelezi kuli kalibe na folisizwe zazi leliñwi kwa kan- . . .”

“Hmm. Hmm. Bukuba! Mazazi a limakazo a felile.”

<sup>70</sup> “Kihande, wa ziba kuli kiñi? Ne—Ne—Ne ni ile kwa keleke nyana busihu bobuñwi, puteho nyana fa manganandila, mi nekuna ni yomuñwi yana yemi kwani, abulela lika lisili, kuyab . . .”

“Oh, mulatiwa, u sike wa be ufumaneha ni ba bacwalo. Zani ki linja ze pumuluka. Mawi! U sike wa angabazwa ki zona. Bao ki bapikuluhi ba bakenile. U sike wa be . . .”

<sup>71</sup> “Kuba ni mufuta wa bulapeli ni kulatula mata a teni, ku baba cwalo musabe kwateni. Kubona kuna ni baba naanalela mwa mandu mi ba swasa basalinyana ba baimezwi ki libi

baba yaulukiswa ki litakazo zeñata, banze ba ituta kamita mi habakoni kufita fa zibo ya kuziba Niti.” Yeo luli ki niti. Ki fohe cwale, katengo ka likalibe, katengo *ka, kani*. Keleke ye shebile ina ni tutengo totuñata hahulu kuli mane haikoni ku kutaza Evangeli ni hanyinyani. Mulisana hakoni kuba ni nako konji fela mizuzu ye mashumi amabeli kihona, mi una ni kubulela fa nto isili kipeto. Mwabona? Haiba ha ezi cwalo, ba sikwata a madikoni ba ka kopana ni yena. Eeni, sha.

<sup>72</sup> Oh, muzwale, ki sikamañi sa lukela kueza mulisana yomunde kacenu? Ki kueza fela zende ni kuyema ni kupumaka mitai ya likota yabata kupuma, mi kipeto liemba liwele ko libata kuwela kaufela; ni kuya kwahule kafoo. Ku felile. Eeni, sha. Yeo ki niti. Musike—musike mwa yemela mutu, mu kutaze fela Linzwi ni kupila hande ni Lona, mu nate fela ka swanelo ni kuzamaya cwalo. Haiba ba ka ku nepela mwa tolongo, yo Li kutaza ni mwa tolongo. Haiba u beiwa mwa sibaka sisili, kutaza kaufela ko u ya; zwelapili fela kuya, u kutaze. Yeo ki niti. Cwale, zeo kona ze ezahalile. Mwabona, kuna ni ku li hamulela kwande.

<sup>73</sup> Cwale lu taha kwa—kwa Lusika lwa Smirna. Timana ya 8:

*. . . uñolele lingeloi la keleke ya Smirna uli; Ki ze za bulela wapili ni wa mafelelezo, ya na shwile, mi wa pila hape;*

<sup>74</sup> Ni bata kuli mulemuhe kuli nako kaufela Ya itibahaza Iliyena kwa lusika lwa keleke, U beya sika sa Bulimu bwa Hae. Yeo kona nto yapili Ya lika kuzibahaza kwa keleke, kuli, bwani kona Bulimu bwa Hae. Ki Mulimu! Mwabona taba tuna kwa mulaho kwanu yeo Irenaeus ni babañwi ne ba sweli ku kanana ka yona? Ba lika kubulela kuli Mulimu mwa maseli amalalu, mi ki Mulimu mwa batu ba balalu, mi Mulimu u inzi ku *se*. A bulela ali, “Hakuna nto yecwalo! Ki malumbatina a Mutu alimuñwi, mi yani ki Mulimu Yamata kaufela.” Yeo ki niti. Kona kuli ha u . . . babile ni ze cwalo kamita. Mi Mulimu kwa simuluhu kwanu u itibahaza Iliyena ka Bulimu bwa Hae—bwa Hae. Mwabona usweli wa itibahaza Iliyena, pili ki fa, “Ki na ya Na liteni, ya liteni, mi ya sa taha. Mi ki Na Yamata kaufela.” Ki yo U kalela foo mwa Lusika lwa Smirna cwale.

<sup>75</sup> Cwale amu Mu utwe, “Ni . . .”

*. . . uñolele lingeloi la keleke ya Smirna . . . (Mi lu lumela kuli yoo ki Irenaeus.) . . . uñole uli; Ki ze za bulela wapili ni wa mafelelezo, . . .*

Mwabona? Aitibahaza Iliyena, “Kina Mulimu, cwale, mwa lusika lwa keleke loo. Ha ni bati balimu babane kamba baketalizoho baba shutana mwa sibaka se. Ki—Kina Mulimu. Mwabona, kona cwalo.”

*. . . yana shwile, mi na pila; (Amen!)*

<sup>76</sup> Cwale, ao ki—ki makalelo. Cwale—cwale *Smirna* italusa “buhali,” mi lizwa kwa linzwi le kuli mira—mira. Mi ni—mi keleke ya pili—ya pili, mi. . . ba latehisa lilato la bona la makalelo, ba keleke ya Maefese. Mi keleke ye ne se ikalile kuba ni “mubisi wa buhali” inge umela ku bona kakuli keleke ye, keleke yetuna, siemba sesituna (buñata bwa bona, kamita) ne basweli kulwanisa Moya o Kenile o no busa mwa keleke, mi ne ba bata kubusa, bona kasibili. Ne ba bata kuiketela baprisita, ba bata kuezwa sina sicaba sa Testamente ya Kale mo ne siezelize. Ne ba bata baprisita. Mi ba. . . Haiba balimu ba mahedeni, kwa mulaho kwani, ko ne ba cincizwe, nebana ni muprisita ni zeñwi cwalo za. . . kuli Jupiter, ni baprisita ba Venus, ni zeñwi cwalo; ba—ba—ba bata kutisa mwahala bona nto yeswana ye ka busa baana *baa*. Mwabona, taba kaufela ki buhedeni ka kukala. Bahedeni kaufela bana ni baprisita bani ni lika zeo kaufela. Kono—kono Keleke ya Mulimu yapila, ki ya bueñi ku bona. Krete ki yena Muprisita wa luna, Muprisita wa luna Yomutuna. Luna ni Muprisita Yomutuna, ki tafule hape fo lucela.

<sup>77</sup> Cwale, keleke ye ne se ikalile kumelisa “mubisi wa buhali.” Kiñi? Ne i halifa bakeñisa bene ba bata kuzwelapili ni Moya o Kenile. Lilato ne li felile, mi ne ba lika ku licincanisa ka lituto za litapelo ni likopano, kuzwa kwa bueteleli bwa Moya o Kenile. Munahane ka zeo! Kona ha—ha—ha hane kuna ni buhali mwahala bona. Ku lukile.

<sup>78</sup> Cwale, keleke yapili, ye. . . bumaswe bwa kala kukena mwateni. Keleke ya bubeli, ka buñata nyana. Mi, mafelelezo, bwa kena hande mwateni kakuli ne ba sweli “kueza keleke yende”; ne ba hupula kuli neba kondisa. Ona foo neba nani sesiñwi se si ipitezi, sicaba sesituna sa Maroma ne si taha mwateni. Kiñi? Neba na ni pope, neba na ni—neba na ni baana babatuna, baika ba za bulapeli, ni zeñwi cwalo. Ne ba apala hande. Ne ba zwile kwa lilata kaufela ni lika kaufela ze ne ba nani; ka kukuza luli. Kubonisa kuli ne ba shwa. Uh-huh. Uh-huh. Ne ba shwa. Mi kacwalo ba ikankabeka mi ba panga mubili omunde. Nto yapili fahalimu fa, neba na ni nto yetuna mwa buino bwa kopano yetuna ya za bulapeli, Keleke ya Silundwamanji ya Maroma, Keleke ya Roman Catholic mwa Lusika lwa Lififi. Kihande, mi, ne bana ni baokameli babatuna, mi nebana ni sitopa.

<sup>79</sup> Oh, neli nto yende hakalo kufita hane ba yemanga mwa mukwakwa, “mi neba zamaya mwa matalo a lingu ni lipuli, ni kuyambaela, ni ku sahakiwa fahali, ni—ni ku sehiwa, ni kuboniwa bukuba,” mane sina Paulusi ha na bulezi mwa Maheberu kauhanyo ya 11.

<sup>80</sup> Kiñi, yona keleke yende, yetuna, ye kabiswa hande, ni twapalo twa mwahali cwalo, ni—ni lika zeñwi ze kaufela ze ba tinanga sina cwalo. Luli, ne li bonahalile ku ipitela, “Ndate,



Revurend, Dokota, Ndate wa *Kuli-ni-kuli*.” Oh, mawi! Ne ba apala inge “linja,” fela kwani.

<sup>81</sup> Kono, mwa bona, neli nto ya mazwake. Mazwake! Mwabona, ne isina Bupilo ni bobukana ku yona. Mi habakoni kukuta mwa mulaho ni kamuta, kona ha ba sa zuhi. Ancafazo ya ba Lutheran ha i si ka zuha kale fateni hape. Ancafazo ya ba Wesley ha i si ka zuha kale fateni hape. Ancafazo ya ba Nazarene ha i si ka zuha kale fateni hape. Mane nihaiba yona ancafazo ya ba Pentekota haina kutola izuha fateni hape. Kiñi? Kakuli mu i bulaille. Mu li zwakanisa ni lifasi, ka mulelo wa Manikolai, ha mu lumelezi Moya o Kenile kuba ni nzila ya Ona. Yeo ki niti. Mu sa zwakanisa keleke, kipeto ha i sa kona kuzuha hape. Ha mu zwakanisa lika, mu kaba ni ma Methodist; ba Baptist ba zwakana, mu kaba ni ma Baptist babañata; ba Katolika ha ba zwakana, mukaba ni ba Katolika babañata; mu kaba ni nto yeswana ye musweli kuloba kwateni mukuñu. Kono ha lu boneñi ni mi bulelele nto yeñwi; mi Moya o Kenile ha u kutela mwateni, U tisa kupepwa *sinca* ni Bupilo bo *bunca*; cincheo. Kolobezo ya Moya; itisa Keleke kuba yona kasibili hape, ibeya Bupilo ku yona.

<sup>82</sup> Mbonyi ya mazwake haina bupilo mwahala yona. Seo bupilo buli sona, se buzwile mwateni. Cwale, lu fumana zeo mwa Lusika lwa Lififi mwani, “Ze nyinyani ze munani, mukumalele ku zona,” Mi naize. Ne ba lihamuzi kaufela fande. Cwale, kono habuna kuitahisa hape. Cwale, ki . . .

<sup>83</sup> Kono Mubili wa Jesu Kreste ha ki—ha ki kopano. Mubili wa Jesu Kreste ki Mubili wa kunutu, ki Mubili wa . . . mwa Mubuso ili Mubuso wa moya o tomilwe mwa lifasi ki Jesu Kreste ka kuba Mulena wa Mubuso woo, Muprisita Yomutuna kuli afe litabelo ku ya latehile mwa Mubuso wo. Ki Mupolofita (ili Linzwi) ya kutaza Niti ni kutisa Liseli la Mulimu mwa Mubuso wo; mi Yena ki zepeli cwalo Mupolofita, Muprisita, ni Mulena, mwa Mubuso moo. Mi lukena cwani mwa Mubuso moo? ka kopano nji? ka liñolo nji? ka kulumelisana mwa mazoho nji? Kono “ka Moya ulimuñwi kaufela lu kolobelizwe mwa Mubili ulimuñwi” ili Mubili wa kunutu wa Jesu Kreste, mi lu kolobelizwe mwateni, ha ki ka mezi, ha ki ka kufafaleza, ha ki ka kusela mezi, ha ki ka mufuta kaufela wa kolobezo ya mezi, kono “ka Moya ulimuñwi, Moya o Kenile, kaufela lu kolobelizwe mwa Mubili ulimuñwi,” Makorinte Bapili 12. Eeni, lu kolobelizwe mwa Mubili ulimuñwi wo ka Moya ulimuñwi, Moya o Kenile, kona kuli ha lu ba siemba sifi kaufela kono ki Kreste. Mu ba Kreste. Ki Mubuso wa kunutu o tomilwe, o lutaha ku Ona ka kolobezo ya Moya o Kenile. Na lata Cwalo! Hmm!

Kuna ni batu kai ni kai,  
Be lipilu za bona lituka mulilo  
Ili mulilo ono wile la Pentekota,  
O ba kenisize mane ba kenile;

Oh, usweli kutuka cwale mwa pilu yaka,  
 Oh, kanya kwa Libizo la Hae!  
 Ni tabile hahulu kuli Ni kona kubulela kuli Ni  
 alimuñwi wa bona.

Ni alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona, Haleluya!  
 Alimuñwi wa bona, Ni alimuñwi wa bona,  
 Cwale Ni tabile hahulu kuli Ni kona kubulela  
 kuli Ni alimuñwi wa bona.

Nihaike inge sicaba se ha ba si ka ituta ma,  
 (D.D.D. Ph.D. Mwabona.) . . . haba si ka ituta,  
 Kamba kuipahamisa ka kutuuma kwa lifasi,  
 Kaufela ba amuhezi Pentekota ya bona,  
 Bakolobelizwe ka Libizo la Jesu;  
 Mi ba kandeka cwale, kwahule ni libaka  
 kaufela,  
 Mata a hae aswana ni kacenu,  
 Ni tabile hahulu kuli Ni kona kubulela kuli Ni  
 alimuñwi wa bona.

Mina ha mu tabeli nji? Eeni, sha. Alimuñwi wa bona fela.  
 Ku felile.

<sup>84</sup> Na hupula ha ni zamaya mwa Memphis, kalibe wa mwanana  
 yani yana zamaya inza ikinamezi kwani. Ki hali, “Muzuhile,  
 mukutazi.”

Na li, “U ziba cwani kuli Ni mukutazi?”

Ki hali, “Mulena u ni bulelezi, ‘Mukutazi wa hae wa taha  
 mwa nzila, utinile kuwani yensu, u lwezi putumende.’” Ali, “Ni  
 zibile kuli ki wena ha Ni kuboni unzo taha.” Mwabona? Oh, nali  
 alimuñwi wa bona. Yeo ki niti! Oh, Mulimu mwa bezi yomunde!

<sup>85</sup> Cwale Ni lumela nto yeñwi . . . [Muzwale Branham ubala  
 ka pampili kafilwe—Mu.] “Musizana yono lapelezi la—la, Sunda  
 busihu, yazwa kwa Bedford, u lukela kuba ya shwile cwale. Se  
 hasikoni . . . Shangwe aku lapele.” Musizana nyana ye lu . . . ne ba  
 mu lapelezi kwanu la Sunda busihu, yazwa kwa Bedford, “kele—  
 kele atimela ona fa,” ba bulezi. Ha lu lapeleni:

<sup>86</sup> Mulena Jesu, Ni lapela kuli ka mukwa omuñwi, ka nzila  
 yeñwi, Mulena, litapelo za luna ha lifite kuwena ka mwana yani.  
 Lu beya mwana yani ku Wena, Mulimu Ndata luna. Mi lu nahana  
 ka sicaba sani sene sili kwanu sene si lapela ni kukupa tapelo ya  
 musizana nyana yani. O Mulimu Ndate, Ni kupa kuli—kuli piho  
 ye isike yaba cwalo, Ndate; ha lu zibi, kono Ni lapela kuli Ube ni  
 makeke ni kufa mata kuli nto yenyinyani yani izuhe ni kupilela  
 kanya ya Mulimu. Ka Libizo la Jesu Kreste lwa kupa. Amen. Mi  
 Mulena Jesu aekeze limbuyoti za Hae.

<sup>87</sup> Cwale, keleke. Cwale, libizo la keleke li zamaelela ni buino bwa yona. Kana mulemuhile kuli libizo la *Smirna* litalusa “kubaba”? Mi mu lemuhe keleke ni keleke cwale, ki libizo la keleke lelina ni nto yeñwi kuya ka buino bwa keleke. Nakona ku bulela nto yeñwi faa; kono mwendi Ni si ibuleli, kakuli mu ka ni bona kufosa. Mwabona?

<sup>88</sup> Libizo la mina li cwalo, ni lona. Ha ukoni ku li ziba, kono li cwalo. Oh, eeni. Mu li cwale, “Ki linombolo.” Batili, ha ki zeo. Jakobo ha na pepilwe ba mu beya libizo la *Jakobo* ili kuli “kuluku;” kono ha yo mangana ni Lingeloi, Mulimu a cinca libizo la hae kuba *Isilaele*, “nabi.” Kana ki cona? Saule nali “Saule wa Taresusi,” mutu wa pilu seta; kono, ha na tile ku Jesu, a bizwa kuli “Paulusi.” Libizo la Simoni neli “Simoni”; kono ha taha ku Jesu, a bizwa kuli *Pitrosi*, “licwe le linyinyani.” Oh, eeni, sha. Ona . . . Libizo la hao li tamahana ni soli sona . . . Lina ni taluso fa buino bwa hao.

<sup>89</sup> Mi keleke ye neibizwa Smirna kakuli ne i ishwa. *Smirna* litalusa “kubaba.” Ka manzwi amañwi, mubisi wa bumaswe no nzo hula mi no sweli ku ipukutisa, ne ili mwa musipili kuya kwa kubaba. Zeo kona ze ba tozanga mibili ka zona, mira, mwabona. Ne li mara, insense, ka kuba tozo. Mira i itusiswa kwa—kwa kutoza mibili yeshwile ha se i omisizwe, ni zeñwi cwalo. I tamahana ni lifu, mi keleke ne ishwa.

<sup>90</sup> Mi, oh, kana ha mu boni, kacenu, balikani, muzamao omutuna wa Pentekota o no nani Bupilo ka lilimo zelikani, kikuli ha muboni kuli usweli kutozwa ka mira? Mwabona? Tozo yeswana neiliteni mwa keleke ye *mo* ni kutoza ye inzi fafasi *fa*; ba sweli kushwa kakuli ba sweli kukutela mwa liapalo ze pazauhile za bulapeli, mi basweli kutubula liapalo za bona zesweu, ba bakenile. Batu babalikani bene ba yemi fani, ni Moya o Kenile wa niti, ba bulela ka malimi, ni kubonalisa Mulimu. Mi, muzwale, neba sepahala luli mi, “baapezi boya bwa ngu batezi patelo kaufela.” Neba—neba li baba sepahala hahulu, mwakona ku ba sepa ibe kai kamba kai. Cwale ha mu sa ziba wa kusepa ni ye si wa kusasepa. Mwabona? Kuna ni sene si ezahalile. Sesiñwi si ezahalile. Ki sikamañi? Ba sweli kutoziwa cwale ka mira, ka kubaba. Kuzuha. Alimuñwi . . .

<sup>91</sup> Ki sikamañi sene sitisize cwalo? Alimuñwi a taha mwateni, nekuna ni—ni keleke yene bizizwe, wa pili, neli katengo ka ba General Council. Mi se ba i biza kuli Assemblies of God. Kuzwa ku ba Assemblies kwa taha ba Church of God. Kuzwa ku ba Church of God, ba kala kutalima fabuse, bali, “Mu ba Assemblies.” Babañwi ba li, “Mu ba Church of God.” Mi kuzwa mwani kwa taha ba United Pentecostal Church of God, fa taba fela. Mi cwale, taba yapili mwa ziba, kufita kuli ba amuhele Liseli ni kuzamaya ku Lona, kiñi, ba ikongakonga kufitela ba palelwa kuamuhela Liseli.

<sup>92</sup> Cwale, mi ko—ko kolobezo ka Libizo la “Jesu Kreste” ya tiswa mwa sibaka sa “Ndate, Mwana, ni Moya o Kenile” ku ba Assemblies of God, ne ba itamile kale bona bañi kuli ba palelwa ku li cinca. Mi ba ziba kuli Ki Niti! Ni swabisa kuli mañi wa bona kaufela abonise kuli ha Li zwi mwa Bibebe. Yeo kona Niti ka kutala. Kono ki sikamañi se ba kona kueza? Ha ba koni kueza cwalo. Mwabona, ne ba ka siya tuto ya tumelo ya bona, ha bakoni.

<sup>93</sup> Mi cwale ki sikamañi se ba ezize ba Oneness? Kufita kuli ba Li amuhele ni kuzwelapili, ba omelela milala: “Kufuyolwe Mulimu kamita! Luna ni Liseli, mi mwa li kuba. Luna lu ba . . .” Ki sikamañi se ba ezize? Ba li ongaongile. Ha ba koni kuongaonga Mulimu. Mulimu mane haana mufuta, ki Bibebe yebulezi. Batili, hakuna lika za mubonahalelo wa Mulimu.

<sup>94</sup> Cwale, mi ba Assemblies ba lika ku Mu ongaonga mi ba eza . . . zabona . . . za bona ba—ba—ba Keleke ya niti. Mi cwale kwa taha ba Oneness mwa mulaho, ba lika kuongaonga za bona, mi baba ni “Liseli lelituna.” Kona kuli ki sikamañi se ne ba ezize? Ba li kasheza kwande ka buitati bwa bona, ba ya ka nzila ye maswe ka zona. Mwa sibaka sa kufa lizwai ni munati, ba lika kuikambusa ku yomuñwi ni yomuñwi, habana sa kueza ni yena. Mi seo kona se si ezize lika. Ne li kashize katata, ka nako yani. Nto yapili mwa ziba, mi kwa taha yomuñwi, ba amuhela se, mi cwale ba kauhana. Alimuñwi ali, “U taha fa pizi yesweu.” Yomuñwi uli, “U taha fa lilu le lisweu. Kufuyolwe Mulimu, Ni ka kalisa kopano yaka ku se.” Mwabona se ba eza? Za hasanya mira—mira. Ki sikamañi sene si ezahalile? Za kwalela sizwale kwande.

<sup>95</sup> Mi basali babañata, ni baana, busihu boo, mwahala ba Assemblies of God, ya tabela ku to kolobezwa ka Libizo la Jesu Kreste, baba ziba kuli Ki yona Niti ya Mulimu. Ne ba ka lelekiwa ha ne ba ka eza cwalo.

<sup>96</sup> Mi ba Oneness ba bañata ba . . . Cwale, Ha ni wa ba Oneness. Ha ni lumeli ku za “buñwi” ka mo ba ezeza. Ha ni lumeli ku *Jesu* sina mo ba bulelela, “*Jesu*”; kuna ni bo *Jesu* babañata. Ki *Mulena Jesu Kreste*. Yeo ki niti. Cwale, mi ha Ni . . . Ni lumela kuli kushutana ka mo ba ezeza. Ba kolobezwa ka libizo la Jesu, ka libizo la Jesu kwa kubupiwa sinca, kuli “Ka kukolobezwa (kubupiwa sinca) kutisa ku Kreste ku wena kwa kolobezo ya mezi.” Ha ni lumeli cwalo. Ni lumela kuli kubupwa sinca ku taha ka Mali a Jesu Kreste ka kufitela mwa Moya o Kenile. Yeo ki niti. Kolobezo ki kezo fela ya kwande ka za musebezi wa mwahali wa ku fetulwa o ezizwe. Mwabona? Konakuli, Ha ni lumelani ni zeo. Zeo li lukile, kono kaufela bona ki mizwale baka.

<sup>97</sup> Ha ne Ni kalile pili sina mukutazi wa Baptist, ne ba ni tahelanga mi bali, “Muzwale Branham, u tahe kwanu, luna—luna—luna ni Sona mi lu Si lwezi kwanu.”

<sup>98</sup> Se nili, “Hakuna ni yomukana wa mina, Ni yema hande mwahala likwata zepeli ni kubulela kuli, ‘Lu mizwale!’” Hakuna taba kamba, Hanina taba kamba mutu ha lumeli, seo ha si ezi shutano ni yekana kuna, u sa li muzwale waka.

<sup>99</sup> Nina ni muzwale ya tabela nama yebesizwe ye hamulezwi mezi a apule; Na ni lata hahulu ye sasizwe mbilimbili, kono Hanina ku mu kasheza kwande. Wakona ku ca nama ya hae ye hamulezwi mulo wa apule mi Na ni kaca nama ye lambilwe mbilimbili. Mi Ni lamba kwateni *lwenge lwa namani*, haiba yena halati cwalo, kupalañi, haana ku ica. Mwa ziba cwalo. . . Ki sikamañi seo? Lika ze ba lambanga kwateni, mwa ziba, “mafi a kangezi.” Na lata cwalo. Se ni ya ni supala cwale kuli ni cange zeo, kono ki. . . Kono Ni—Ni—Ni. . . Zeo kona ze Ni tabela. Haiba yena ha li tabeli, ha lukeli ku li ca. Foo ku lukile, Ni ka ca zaka. Kono u sa li muzwale waka! Yeo ki niti.

<sup>100</sup> Mi kacwalo Na—Na lata cwalo, Ni tabela kutwano. Kono ha lu lala milulwani sina cwalo, ni kubulela kuli, “Batili, ye ki kopano ya *luna*,” mi haluna kuswalana mwa mazoho ni muuna yatatama, ni kubulela kuli, “Mulimu a fuyolwe, muzwale!” Mawi! Foo kona fo mu bizeza kutwano. Haiba mu sa ezi cwalo, muba ni mubisi wa bumaswe wani inge batu ba mwa Smirna mo ne ba ezelize kwa mulaho kwani, mi mu ka eza nto yeswana. Ku lukile, kacwalo mabizo a bona nali “a baba.”

<sup>101</sup> Manikolai ba zwelapili ku ba leleka kufitela Masika a Lififi. Lusika lwa Luther lwa tisa mu muhato wapili wa sishemo, Liseli nyana la kala ku monyeha. Mi kwa taha yomuñwi mwa mulaho wa fani, kwa taha John Wesley ni kukeniswa, la hula ka kumonyeha nyana. Mi ki ha kutaha kolobezo ya Moya o Kenile ni Mapentekota, kukutisa hape tumelo kwa bashemi. Kono ba palelwa ku ibuluka ona cwalo, kona mo ne ba i onga ongezi cwalo, mi se ba kala hape kukena mwa Bunikolai hape. Ona cwalo fela se ibulezi Bibeke kuli ba ka eza.

<sup>102</sup> Cwale, Ni na ni kotalima fateni ku si cwalo Ni ka ba. . . ya liyeha hahulu ka kufeza nako. Ha lu fiteñi fa timana ya 2, kamba ki. . . yani ikaba ya 8, timana ya 9. Ku lukile, cwale nyandiso, timana ya 9:

*Ni ziba misebezi ya hao, manyando a hao, . . . bubotana, (kono u fumile) . . . (Oh, mawi!) . . . Ni . . . (Cwale Usweli kuambola kwa Keleke cwale, ki Keleke ya niti, isiñi zeñwi; ne ba toile likezo za Manikolai zani.) . . . Ni ziba linyefulo za ba ba bulela kuli ki Majuda, be isi bona, kono ki sinagoge ya Satani.*

<sup>103</sup> Cwale, ne ba bilaela. Ne bana ni bubotana bobutuna. Ki. . . Ne ba ngile kaufela zene banani. Ne ba yahile keleke nyana ya bona sina cwalo, mi ka kuba kuli ne ba li sikwata nyana sani, ne ba ba kashelize kwande, keleke yetuna neina ni, ne ba li hamulezi fela fande. Mi I bulezi kuli, “Na ziba. Na ziba kuli muna ni ku

kopana fa manganandila, mu kopanela mwa makozwana, kamba kwa sibaka sifi kaufela se mukona.” (Mi Ni bile mwa mabita ko ba lukela ku kopanela; ni fitile mwatasa mubu ni ku kopana, ni lika fa.) “Ni ziba manyando a hao, mi Ni ziba matata a hao, ni zeñwi ze cwalo, kono u fumisizwe ka matata ao.” Oh, mawi! Mu ni bulelele nako kaufela yeo manyando atezi Keleke, aka I itiisa. Kamita a tiisa Keleke, ni manyando. “Ni ziba manyando a hao, kono u fumile.” Kiñi? “U kumalezi ku Na; u fumile. Kono manyando a hao a ku holofazi.”

<sup>104</sup> Cwale, ki... Kana mulemuhile? Manikolai ne ba ipupezi sinagoge cwale. Biblele i bulezi cwalo moo. Kikuli mu lemuhile zeo mwa timana ya 9 faa?

*Koo... ili... kono haki, kono ki sinagoge ya Satani.*

<sup>105</sup> Uh-huh, Keleke ya niti ne ikashelizwe kwande. Manikolai ne ba hatelezi, mi ba... ne ba kashize sicaba sene si na ni Moya o Kenile, ki fohe cwale neba—neba sina tuso ni zona. Haiba Smirna, mwa Asia, ne izibile kuli lika zenyinyani... ili mushukwe wa babulaiwa ono ba libelela, ne ba ka nyungana. Mwabona? Cwale, ka manzwi amañwi, ki sikamañi... bupolofita bo ha ne buñozwi ni ku lumiwa ku bona, mi keleke ya li swala, mi ba bona kuli neli bona bene ba ka apeswa mushukwe wa babulaiwa, kiñi, ne ba ka... kiñi, ne li ka ba sabisa kuisa lifu. Ne ba sweli kulibela ona cwalo ka nako kaufela. Ne li si ka taha mwa lusika lwa bona. Mi mwendi babañwi ba bona bali, “Kihande, mwa ziba—mwa ziba, Na ku bulelela, mupolofita yani na fosize. Joani na fosize, na—na... kakuli ne li si ka ezahala ku luna kwanu mwa Smirna.” Kiñi, ne i lukela kuba myaha ye mianda anda kasamulaho. Mwabona? Kono cwale Mulimu ha bulela sika kaufela, sina ni ku ezahala.

<sup>106</sup> Fani kona fo lu totobeza tumelo yaluna, ona fo fa Linzwi la Mulimu. Mulimu ubuluka sepiso kaufela. Hakuna taba... Mukona ku nahana kuli li na ni ku ezahalela ona fa, kono mwendi ha ki nako ya Mulimu kuli liezahale. “Kono Linzwi la Ka halina kukutela ku Na mukungulu, kono Li ka peta se Li lumezwi.” Mulimu uka kuteka Linzwi la Hae kamita, mi mwa nako ya Lona Kasibili nako yende Li ka kutula.

<sup>107</sup> Ka cwalo sicaba se neli sona, keleke yapili, kono mwa keleke yani nekuna ni batu bene ba taha mwa keleke ya Smirna kasamulaho nyana. Cwale, mi ne ba lukela kutina mushukwe wa babulaiwa, buñata bwa bona ne ba lukela kubulaiwa.

<sup>108</sup> Cwale ha lungeni ti—ti mana ya 10, halunze lu bala se:

*Usike wa saba butuku bo uka (yona sinagoge ya Satani) butuku bo u ka utwiswa: bona, diabulosi sa to kenya... babañwi ku mina mwa tolongo, kuli mu likwe; ni kuli muka nyandiswa ka mazazi a lishumi: u sepahale kuisa kwa lifu, mi Ni ka kufa kuwani ya bulena ya bupilo.*

109 Oh, mawi! Ne ba bulezwi kuli basike ba saba ha ne ba bizezwa kwa kushwela bu—bu lapeli bwa bona. Cwale, Kezeli Wood, kaufela fo inzi, Na sepa se sa ku tusa. Kezeli Wood na ni bulelela, zazi leliñwi, na sa utwisisi kuli kiñi babañwi ha ne ba lamulelwa mi babañwi nya. Linako zeñwi mu lukela kuziba. . . Mulimu na bulelezi batu baa, “Cwale, mu si ke mwa saba zeo, kakuli Satani u ka mi kasheza mwatani, kakuli sapalo sa Manikolai se si tile mi sa mi kenya mwatani, kakuli Ni ka mi tuhelela kuli mushwele libaka la Ka. Kono Ni ka mifa kuwani ya bulena ya Bupilo ka lizazi lani.” Konakuli musike. . .

110 Cwale mutalime, Na ize. . . Cwale, haiba mulemuhile ha lu balile timana ya 10 yee. Ha lu boneñi ni I bale hape:

*Usike wa saba butuku bo ka u twiswa: bona, diabolosi sa to kenya babañwi ba mina mwa tolongo, kuli mu likwe; mu ka kalelwa mazazi a lishumi: kono u sepahale kuisa kwa. . . (Kana mulemuhile kuli ha ki ka? Isiñi kufitela lifu, kono “mane” ni kwa lifu. Mwa utwa nji?). . . u sepahale mane ni mwa lifu, . . . (Mwabona? Mi ba sepahala.)*

111 Cwale U bulezi kuli, Satani. . . Kikuli mu lemuhile yo ba Na—ba Na biza kuli kona bene ba eza cwalo? Cwale, yona *Sinagoge ya Satani* ye neli “Manikolai.” Lwa ziba cwalo. Nji cwani? Mi ya to ba kopano, buprisita bo ne bu taha, bone bu ka nyandisa sicaba se, mi ne ba lukela ku sepahala kwa Evangeli *kuisa* lifu. Kana mulemuhile mwa mukiti wa sinawenga? haki kuli *konji* lifu kona lu kauhana, kono “*mane* lifu kona lu ka kauhana.” Mwabona? Cwale, *konji* ni *kufitela* ki lika ze shutana. Cwale, ne ba lukela ku sepahala ku Krete *konji* lifu. “Kuya ni lona mane *kuisa* lifu ni lona. Musike mwa saba, kakuli Ni ka mifa mushukwe.”

112 Cwale ao “mazazi a lishumi” o ba bulela faa, ki mazazi a lishumi. Lizazi mwa Bibele liyemela mwaha. Mi cwale *mazazi a lishumi* neli a mafelelezo “myaha ye lishumi” a puso ya D-i-o-c-l-e-a-t-i-o-n, Diocletian. Diocletian. Diocletian, yani neli yena mulena yomutuna yana busize wa mafelelezo. . . Kihande, kuna ni malena ni mantuna babañata ba bashutana bene ba busa ka nako ya Lusika lwa Keleke lwa Efese. Mi Nero, Na lumela, neli alimuñwi wa bona. Mi yena Diocletian yo neli wa mafelelezo ya na busize, mwa lilimo ze lishumi za mafelelezo, mi neli yena yana suluzi hahulu mali mwahala bona kaufela. Na tamahani fela ni sikwata se mi ba—ba bulaya Bakreste, mi ba ba bulaya, ne ba ba cisa, neba—neba ezize lika kaufela, mi neli lilimo ze lishumi za nyandiso yetuna hahulu ya ku sulula mali. Mi nako ya hae ni puso ya hae yazwa ka 302 kuisa 312. Ki yena ya na felize Lusika lwa Smirna, ka kutaha kwa Constantine. Mi a taha mwa 312, Constantine na ezize cwalo. Ani neli ona mazazi a lishumi a manyando. Mi za kala ni Nero ni ku yo felela ni Diocletian. Mi za kala ka Nero, neli ka A.D. 64 fani Nero ha nga lubona.

113 Cwale, timana ya 11 ki sepiso. Cwale lu kaba ni se lu si ka kwala kale:

*Ya na ni lizebe, a utwe seo Moya u si bulelela likeleke;  
Ya tula ha na ku bulaiwa ki lifu la bubeli.*

114 Cwale, Ni na ni kubulela nto yeñwi fa, kuli ka. . . Haiba Ni nahana cwalo, mwa pilu yaka, mi ni si ke na si bulela, kona kuli Ni muipi. Mwabona? Ni bata kuli mulemuhe mwa Mañolo mo, mi Ni sepa ne li nto yetuna hahulu mwahala lika ze ne ni kakamalisa fa nako yetelele kufitela ni lemuha niti. Cwale ha lu baleni taba yeo ka tokomelo luli, cwale. Mwabona?

*Ya na ni lizebe . . . (Ka manzwi amañwi, “yana ni lizebe za kuutwisa”; mwabona, li “kwaluhezi kwa Moya.”) . . .  
a utwe seo Moya u si bulelela likeleke; . . .*

Cwale amubone, yona nto yeswana ye, nyandiso ye ni lika kaufela ze taha. Siemba sa teni kaufela si felela mwa keleke ifi ni ifi. Ki *likeleke*.

*. . . Moya u si bulelela likeleke; Ya tula . . . (Mwa keleke ifi? Maefese nji? Eeni. Ku lukile. Smirna? Eeni, kaufela zona.) . . . Ya tula mwa likeleke kaufela hana ku holofazwa ki lifu la bubeli.*

115 Yena mwa keleke ya Laodesia ya tula sikamañi? Ya tula Manikolai, ya tula lika za lifasi, ya tula likopano zee, ya tula buprisita boo, ya tula lika kaufela za lifasi ni kushatukela kwabuse, mi a lata Kreste. Ha una ku holofazwa ki lifu la bubeli. Kiñi? Una ni Bupilo Bobusafeli. Bupilo Bobusafeli hakoni kushwa. Jesu na ize, “Ya utwa za Ka una ni Bupilo Bobusafeli, haana kushwa. Ni ka mu zusa ka lizazi la mafelelezo.”

116 Cwale, cwale, kuna . . . Cwale, mu ka ba ni . . . Babañata mu ka palelwa kulumelelana ni taba yee, kono Ni bata kuli munahane hande ka tokomelo mu si ka ba kale ni buiketelo bwa mina. Mwabona? Ni ka bulela nto yeñwi cwale:

117 Kona ha Ni sa lumeli kuli kuna ni lihele la Kuyakuile. Ha ku koni kuba lihele la Kuyakuile. Kakuli haiba kukile kwaba ni lihele la Kuyakuile, kona kuli ne kubanga lihele la Kuyakuile ni kamita, kakuli Kuyakuile . . . Kuna ni fela mufuta ulimuñwi wa Bupilo Bobusafeli, mi seo kona se lu ikataleza. Mi haiba mu ka tuka kamita ni Kuyakuile, kona kuli mu lukela kuba ni Bupilo Bobusafeli bo butuka, mi kipeto yo ki Mulimu ya ka tuka. Hamukoni kuba ni lihele la Kuyakuile, mi Bibebe ibulela patalaza kuli “lihele ne li bupilwe fela.” Mi haiba li bupilwe, ki la Kuyakuile. Sika kaufela sa Kuyakuile sa li kuba si bupiwé; ne li sa Kuyakuile ni kale. Mi Bibebe ibulela kuli “Lihele ne li bupezwi diabulosi ni mangeloi a hae.” Lihele ne li bupilwe, ha ki la Kuyakuile. Mi ha Ni lumeli kuli mutu uka fiwa koto ya Kuyakuile.



118 Ni lumela kuli Biblele itoloka hande patalaza fa, kuli, “Ya tula haana ku holofazwa ki lifu la bubeli.” Cwale “lifū.” Linzwi la kuli *lifū* lizwa kwa . . . kana se, ki “kauhano.” Cwale, ha lu kauhani ku Mulimu, mwa sibi, lu shwile kale; ki Biblele ye bulezi cwalo. Lu ikambusize kuzwa ku Mulimu, lwa kauhana kwateni, lu shwile mwa sibi ni mwa bumaswe; se luli bazwahule ku Mulimu ni kwa naha ya Hae. Mi cwale ha lu amuhela Mulimu ni kuba ni Bupilo Bobusafeli, lu bana ba Hae mi lu siemba sa Hae.

119 Mushimani waka yomunyinyani fani, Joseph, ki siemba sa ka, hakuna taba kamba Ni . . . a eze ze cwani kaufela. U . . . Na kona . . . Hakulata hakoni kuba . . . Haiba Ne ni kaba muuna yomutuna wa mufumi ni na ni sifumu sesituna, wa kona kuba cwalo, yena mane u ka yola sika kaufela; kono nitefi ki mwana, ki siemba sa ka. Luli, ki siemba sa ka. Cwale, Ha ni koni ku mu hana sina mo Ni sa koneli ku ikana, kakuli ki siemba sa ka. Tatubo ya mali ika bonisa kuli ki waka. Mwabona?

120 Mi tatubo ya Mali ibonisa hande haiba mu ba Mulimu kamba nee. Mwabona? Mu bana ba Mulimu mi muna ni Bupilo Bobusafeli. Kono moyo o eza sibi, *moyo* wo u ka kauhanywa. Kana ku cwalo? Mi kipeto hakusana hape. Cwale amutalime. Sika kaufela se si na ni makalelo si na ni mafelelezo, kakuli kaufela se si na ni makalelo ki pupo. Kono Mulimu na si ka bupiuwa, Yena nali Mulimu kamita. Hakuna sibaka kwa Na bupezwi. Mi nzila fela ye lukona kuba ni Bupilo Bobusafeli ka yona ki kuba siemba sa pupo yani. Kanya! Oh, haiba lwa kona kubona Seo! Mwabona Moya o Kenile so mi ezelize? Ki Moya o Kenile, ili Mubupi Kasibili, Mulimu Ndate mwa mufuta wa Moya, o bizwa “Moya o Kenile” kakuli No li fahalimwa mubili o bizwa Jesu, Mwana Hae; wa Na bupile Jesu, ili mubili, kona libaka ha No na ni kushwa. Mulimu a pila mwa nama ya butu, mi mali a lobiuwa, mi Bupilo bo buzwile mwa mali bwa kuta.

121 Ki kabakaleo mulapeli wa mwa Testamente ya Kale na sa nanuhi . . . na nanuha ni nyazo yeswana ya na taha ni yona. Kono mwa Testamente ye Nca, Maheberu ya bulela, kuli, “Mulapeli ha sa tapisizwe hañwi ha sa na maikuto a sibi ni kamuta.”

122 Cwale, Testamente ya Kale; ne ba tisanga ngunyana, na ilobaza fafasi, kubeya mazoho fahalimwa yona, ki mulapeli yoo; muprisita upuma mumizo, na utwa mali a lota, ni ku utwa kulila kwa yona. Mi ya shwa, mi na utwa mubili wa yona ha u anda kuomelela, mi kipeto ya shwa. Na ziba kuli yani na lukela kuba yena; ngunyana ne inga sibaka sa hae. Muprisita na nga mali, kuibeya fa aletare mi—mi musi waya mwa halimu, mi neli tapelo ya swalelo ku mu- . . . [Hakuna manzwi fa tepu—Mu.] . . . mi bupilo bwa folofolo yani ne bu sa koni kutaha ku mutu ni ku lumelelana ni moya wa mutu, kakuli ki moya wa folofolo. Bupilo bwa folofolo ni bupilo bwa mutu, ne bu sa konahali. Kono cwale fa . . . Ki kabakaleo ha na nanuhanga fateni ni takazo ya sibi se si

swana, nto yeswana. U tile ka kueza boozwa, mi ufa sitabelo sa hae, mi u zwela kwande ka munahano o swana. Yeo ki niti.

<sup>123</sup> Kono he mulapeli. . . Oh, Keleke ya Mulimu, musike mwa palelwa ku utwa se! Mulapeli, ha taha ka niti ni kuyema fapila Mwana Mulimu ni kuyema ka tumelo u beya mazoho ku Yena (Oh, mawi!), utalima fa sifateho sa Hae ni mati kwa sifateho sa Hae, Mali inge a lota kwa sifateho sa Hae, u utwa butuku bwa kuli “Mulimu wa Ka! Mulimu wa Ka! Ki kabakalañi ha U Ni tobohile?” Oh, muzwale, ha u bona teko ye ne ku shwezi, ni Yo Neli yena, Emanuele, Mulimu inza shwela mwa sibaka sa hao.

<sup>124</sup> Konakuli ki sikamañi se si ezahala? Mulapeli foo cwale, Mali ani cwale ha na lobilwe ku Mwana Mulimu. . . Ki sikamañi se si ezize mali ani?

<sup>125</sup> U sikamañi wena? U kalulo ya mali amañwi a zwile ku bo ndataho. Musali hana peu ya mali. Mu—mu musali yena una ni fela lii; sibulukelo sa kufutumalisa, yena u lwala mu—mu—mu kotana wa mwana. Kono mali azwa ku muuna, ki kabakaleo mwa—mwa mwana hana ni kunga libizo la ndatahe. Mi kipeto, kono, musali u nyalwa ku muuna, unga libizo la muuna, bakeñisa bana; musali uba sibulukelo sa kufutumaza mai ku mwana yo aka pepela muuna hae. Kono sina ha Ni bulezi: kuhu yakona kubele lii, kono haiba ha i si ka kopana ni mukombwe, halina kundondoka.

<sup>126</sup> Kona, Ni ize, kona ha luna ni babañata hahulu baba supezi, ba ba bata, ba likeleke za sihalihali kacenu. Ba fitile fa mulelo wa Nikolai woo, bana ni siyaletso se sitezi mai a bolile, mi haana kundondola kakuli haakoni. . . Mwakona ku ba ezeza sika kaufela (ku ba biza mabishopu, madikoni, ni kaufela ze mubata), habana kulumela mwa lisupo ze latelela balumeli, kakuli ha ba si ka kopana kale ni Muuna, Jesu Kreste. Haiba mu ba ni mununo wa Muuna ka mata a Mulimu. . .

<sup>127</sup> Mi Mali ani ha na lobilwe fa Kalvari, ni Bupilo bone buli mwateni bwani, Jehova yomunyinyani. . . Oh, bu lukela ku natiwa!

<sup>128</sup> Mwa ziba, mañi ni mañi ubata sisupo. Nji cwani? Mañi ni mañi uli, “Oh, ni bonise sisupo.” Majuda ba li, “Ni bonise sisupo.”

<sup>129</sup> Ha lubone ni kufe sisupo. Mulimu na mi file sisupo nako yeñwi. Ne ba kupa sisupo. Maisilaele ne ba kupa sisupo. A bulelela mupolofita, “Ni ka bafa sisupo sa kuyakuile: mwalanjo uka ba fa mezi amanca. Mwananjo uka ba fa mezi amanca mi apepe Mwana mushimani.” (Amen.) “U ka bizwa *Imanuele*, ‘Mulimu una ni luna.’” Sisupo sesituna kufitisisa se si kile sa fiwa fateni.

<sup>130</sup> Mi Mulimu, yena Mubupi wa mahalimu ni lifasi, ya na bupile manaleli kaufela. A yema fa Lilundu la Palomar ni kotalima mwa pono ya fahule yani, mi mwakona kubona myaha ye eza

ma milioni a mwanda ni mashumi amabeli a sibaka sa liseli. Mu beye seo mwa limaili, ni kufitelela kwabuse bwani kuna ni kweli, ni linaleli, ni mafasi, mi ki Yena ya ezize zeo kaufela. Na li fuzezi fela kuzwa mwa mazoho a Hae, inge *cwana*. Eeni!

<sup>131</sup> Mi ni yena Mubupi yomutuna yani atoba Mupulusi. Ataha kwa Mali a likani fela, isiñi ka muuna, kono ataha ku mwalanjo ku musali; ni kunga mununo nyana wo ku musali, mi a I kezeza ndu nyana mi ayaha ku yona. Oh, si—si—si lukela ku komokisa! Jehova! Jehova, fa libunda la manyalala mwa sishete, inza lila. Jehova, mwa sicelo sa bucwani. Seo kona sisupo sa kuyakuile, babañwi ba sicaba sa litho zetuna baa! Jehova, Mulimu, ali Mbututu ya lila (Haleluya!) mwa sikungu se si nunka. Mi kipeto lu nahana kuli lu bo mukete, u minyukiseza ngo ya hao mwa halimu; ika nela, ika ku minisa; ni ku zamaya inge u nahana kuli u mutu wa butokwa. Kanti Jehova na lobezi mwa sikungu, fa—fa libunda la manyalala, inza lila inge mwana. . . mbututu yomunyinyani kaufela. U lukela ku natiwa! Seo kona sisupo. Mulimu naize, “Ni ka mifa sisupo sa kuyakuile.” Seo kona sisupo sa luli. Jehova, inza bapala inge mushimani. Jehova! Jehova, inza beleka mwa sibaka sa mubeti, kusaha mabala sina mubeti. Haleluya! Mawi, oh, mawi! Jehova, inza tapisa mahutu a bayambi. “Ni ka mifa sisupo.”

<sup>132</sup> “Oh, luna kuti konji lube ni baituti ba za bulapeli, mwa ziba, babana ni mikanjo ni mihala kaufela, ni ma kola, ni. . .” Mwabona? Oh!

<sup>133</sup> “Ni ka mi fa sisupo sa kuyakuile.” Jehova, ali kuyema mwa patelo ni mati kwa sifateho sa Hae. Jehova, a otolohile mapunu fela, mwa mubili, mwahala lihalimu ni lifasi. A tokwa kutokomela maswabi a sifapano. Luna ni sibupiwa sa Hae fani ni lisila nyana le ba Mu tatelize; kakuli yani ki muswanisi ya na si kabisize cwalo. Ne ba Mu tubuzi ku musiya fela mapunu, ku Mu swabisa! Oh, sikwata sa baiپی bani hola yani ha itaha! Le ki lizazi la mutu, lizazi la Mulena la taha. Jehova! Jehova, a shwa, eeni, hakuna ze ne ezahalile. Jehova, a lapela, hakuna ze ne ezahalile. Hmm. Yeo ki niti. Li lukela komokisa! Sani ki sisupo sa kuyakuile. Sani kona sisupo sa kuli batu kaufela ba ka ziba. Mi A shwa, Jehova a shwa. Mi lifasi la kala kuzikinyeha. Oh, mawi!

<sup>134</sup> Mi A zuha mwa libita ni ku kambamela kwa Lihalimu. Jehova, akuta mwa mufuta wa Moya o Kenile ku to pila mwa Keleke ya Hae, mwahala sicaba sa Hae. Kanya! Jehova, inza zamaya mwahala keleke, inza lemuha milelo ya mwa minahano. Jehova, ku folisa bakuli. Jehova, u nza bulela ka milomo kufitela mane mutu ha sa kona kuitamaisa ili yena. Jehova, kutaha mwa Sikuwa ku to li toloka. Mu bata sisupo? Amen! Kuli Jehova natile ku lihule, a mu zusa, koo ana ni—ana ni buino bo bu mwatasi hahulu kuli mane neba linja ne li si ke za mu talima, kono amu tapisa busweu sina litwa ni ku mufa pilu ye kenile sina

mulilima. Oh, mawi! Jehova, kunga cakolwa ya lobezi mwa sileze yatezi linzinzi mwa mulomo wa hae, ni ku mu eza kuli akutaze Evangeli. . . ? . . . Mali a Jesu Kreste a lu kenisa!

<sup>135</sup> Ha Na li mwa lifasi, Na ile kwa libaka za mwatasi hahulu ku zene liteni, ni kwa sicaba sa mwatasi hahulu ku bene baliteni, mi ba Mu fa libizo le li mwatasi hahulu ku ana liteni. Yeo neli niti. Ne ba Mu ezize ka lunya, ni ku Mu biza ka libizo leli maswe maswe ku lene li ka bizwa kaufela, “Baalezebubi,” kuli dimona. Le li mwatasi hahulu ku ene ba ka Mu fa, mutu a Mufa zeo.

<sup>136</sup> Kono Mulimu a Mu zusa, mi a Mu fa Lubona lo lu fahalimwa hahulu kuli Una ni kutalima fafasi abata kubona Lihalimu. Amen! Kanya! Mi a Mu fa Libizo le li fahalimwa mabizo kaufela a bulelwa mwa Lihalimu ni mwa lifasi, mi ni lubasi kaufela mwa Lihalimu ni mwa lifasi lu biziswa ka Yena. Zeo kona za na hupuzi mutu ka Yena; zeo kona za na hupuzi Mulimu ka Yena. O Mulimu, tuhela kuli milelo yaka ibe sina ya Hao, Ndate. Eeni, sha. O Libizo lelinde!

<sup>137</sup> Cwale, “Ya lumela ku Na una ni Bupilo Bobusafeli.” Cwale, haiba kuna ni fela mufuta ulimuñwi wa Bupilo Bobusafeli, mi mwa bu amuhela mi lusweli ku bu bata ka Jesu Kreste, bwani kona Bupilo bwa Mulimu. Mi cwale Mali ani hana pyatilwe ku Mwana Mulimu, mi ni Jehova yomunyinyani yani na beilwe mwahala Muuna yo yana bizwa Jesu (kanti ku Yena ne kuinzi mutalelela kaufela wa Bumulimu ka mubili), mi cwale lu amuhela Mali *ani* kwa swalelo ya libi za luna, ili Moya ono si ku muuna yani, kono no li ku Mulimu. . . Kanya! Bibe le iize, “Ki Mali a Mulimu.”

<sup>138</sup> Yomuñwi naize, “Mwa hupula, Mi. . . Musike mwa bulela sika ka Majuda, kakuli Na li Mujuda.” Na si Mujuda. Na si Mujuda kamba wa Bamacaba, Na li Mulimu. Yeo ki niti. Na li Mali a bupilwe. Mulimu a aeza ka kushutana. Ne li a Hae Tota, mi ka ona Mali a bupilwe ani lwa a Amuhela kuba swalelo ya luna kakuli Na shwile lifu bakeñisa luna. Ona Mali ani a lobeha, a lukulula Moya o Kenile kuli ukutele ku luna, mi cwale lu bana ba bashimani ni basizana ba Mulimu ka kupepwa kwa Moya. Mi cwale Bupilo bo ne buli bwa Mulimu, ya na sina makalelo kamba nihaiba mafelelezo, ki bwaka ni wena ka sishemo sa Mulimu ka Jesu Kreste. Ki fo he cwale.

<sup>139</sup> Cwale, “lihele,” lu ka kutela ku seo fa nako nyana. Na mi bulelela kuli—kuli ha ku koni kuba. . . Na lumela mwa lihele le lituka. Eeni, sha, Bibe le ibulezi cwalo, lisa la mulilo. Cwale, kono zeo halikoni kuba kuyak-. . . halikoni kuba la Kuyakule. La kona kuba. . . Bibe le ha i si ka bulela kuli ki la Kuyakuile, I bulela kuli ki lihele la “kamita.” Musike mwa bulela linzwi la kuli Kuyakuile, ibulela kuli “kamita” lihele leo. Cwale, li lukiselizwe diabulosi ni mangeloi a hae; ki lihele la kamita, ha ki la Kuyakuile. Cwale, kasamulaho. . . Moyo wani wa kona

kunyandiswa mwani ka likezo za ona ka myaha ye likana ma milioni a mashumi, kuya ka mo Ni zibela. Ha ni zibi haiba *kamita* ikona kuba sikamañi ku Mulimu. Ikona kuba mizuzu ye mashumi amane ka yeketalizoho, kamba ikona kuba myaha ye likana milioni, ikona kuba ka myaha ye likana ma milioni a lishumi, kono ku ka taha nako fo ku ka felela moyo wani uyonge.

140 Ki ze ze ibulezi Bibebe, mwabona. Amubone:

. . . *Ya tula haana ku holofazwa ka lifu la bubeli.*

141 Lifu la pili ki ku kauhana kwa balatiwa ba luna. Lu zamaya fa Pila Mulimu, hakuna kuzwa fa Pila Mulimu. Mwabona? Cwale, haiba kuna ni lifu la bubeli, kona kuli ku lukela kuba lifu la moyo. Mi kipeto ya tula lifasi, kamba ku tula lika za lifasi, una ni Bupilo Bobusafeli mi haana ku swaliwa ki lifu la bubeli. Ki fo he cwale, Bupilo Bobusafeli. Kono haili—haili muezalibi. . . Bibebe ibulezi kuli, “Musali ya pila mwa minyaka u shwile inza pila.” Ki niti kana? “Moyo o eza sibi, u ka shwa luli.” *Kushwa* ki sikamañi? Kufelelela “kukauhana,” “hakusana hape.” Mwabona? Cwale, u pumilwe kwateni, ki niti. Wa pumiwa kwateni, hakusana ze siyala ku ona. Ku kanga nako yekuma kai fa kueza cwalo? Li ka fita mwahala mizamao yeswana o li tahile ka zona, mi uka fita fa sibaka fo kusike kwaba ni se si ka siala sa ona. U ka kutela fela ku so no bupilwe ka sona.

142 Lwa kona kunga kalulo ya mali, ni kupyata mali ao kuba alimañwi, kuisa ku amañwi, kufitela ha ne mu ka to fita fa mali a makalelo; mu pwace mali ao, kipeto mu na ni buino bwa ona mali ao; mutaha mwa buino bwa mali bo bushutana, mi kipeto mutaha fa kalulo ye nyinyani hahulu mwa mali ao: bwani kona bupilo. Ha bakoni kubu fumana. Hakuna ze ba ziba ka bona. Cwale, bupilo bwani bu ka fita fa sibaka fo bu ka yundelela kaufela; kaufela seo buino bwa bupilo bwani buli sona, Ha ni lumeli kuli buna ni buino bwa mali kaufela. Bu ka ba bwa moyo.

143 Mi cwale, mwahali a zeo, mafelelezo aka kauhana ni kufela kuyunda. Kona se ibulezi Bibebe, “Moyo o eza sibi, u ka shwa.” “Mi ba ba ka tula mwa masika a likeleke zee mo habana ku holofazwa ki lifu la *bubeli*.” Mubili kona o shwa pili, moyo wa tatama kasumulaho mi wa fela. Mwabona? Zeo ki. . . kana mwa lumela kuli ki Bibebe ye bulezi cwalo?

144 Cwale muhupule, haiba lihele ki la Kuyakuile, kona kuli Bibebe ifosahalile ha ibulezi kuli “lihele ne li bupilwe.” Mi cwale haiba mutu uka tuka Kuyakuile, mwa lihele, kona kuli uka lukela kuba ni Bupilo Bobusafeli kuli azibe kuli, wa tuka. Kana ku cwalo? Kihande, ki mifuta yemikai ya Bupilo Bobusafeli ye liteni? Ulimuñwi. Yeo ki niti. Ki Bupilo Bobusafeli bulibuñwi.

145 Cwale, musike mwaya kusili ni kubulela kuli, “Muzwale Branham ha lumeli mwa lihele.” Muzwale Branham wa lumela mwa lihele. Bibebe iluta kuli kuna ni lihele. Inge fela hakuna ni—ni sibaka sa pumulo, kuna ni sibaka sa—sa koto. Mi Mulimu uka

eza luli kuli moyo o Mu foseza ufumane koto. Ni ka kuhana Jesu Kreste kuba Mupulusi wa hao, kaniti u ka fiwa koto ka zeo. Kono ku kaba nako ha u ka yundelela kufela. Kono ki myaha ye likana ma milioni amakai ye ka kuisa kukutela kwani, Ha ni zibi. Kono nako yeñwi. . .

<sup>146</sup> U sibupiwa sa nako konji ha u so pepilwe sinca, kona kuli uba sibupiwa sa Kuyakuile. Mi nzila fela yo kona kuba ni Ona ki kuba ni siemba sa Mulimu ku wena, kakuba Bupilo Bobusafeli. Kana mwabona zeo? Kiniti.

*Ya na ni lizebe, a utwe seo Moya u si bulelela likeleke; . . .*

<sup>147</sup> Na Mu lata. Mina bona? Ni tabile hahulu ka kuba ni Bupilo Bobusafeli. Seo ha si ni bilaezi ni hanyinyani, bakeñisa kuli luna ni Bupilo Bobusafeli cwale. Mi Na ziba cwalo, ni kusepa kuli mutu kaufela ukaba ni Ona, kaufela luna.

<sup>148</sup> Irenaeus, eeni, Ne ni na ni zeñozwi ka Irenaeus, kuli, “bala likande le.” Kuli libaka Irenaeus ha na ketilwe kakuli nana ni sisupo sa Pentekota (ya makalelo) Keleke ne i mulatelela.

<sup>149</sup> Cwale, haiba Mulimu. . . Ki ba bakai ba ba lumela kuli Keleke ikalela kwa Pentekota? Ku lukile. Ki ba kabai ba ba lumela kuli Mulimu na kakuzi Keleke la Pentekota? Ku lukile, sha. Mi cwale haiba yani neli Keleke ya Mulimu ya pili, mi yeo kona Ya biza kuli “Keleke,” mi ki Yena Kota cwale, luna lu mitai, haiba Kota ibeya mutai omuñwi, u kaba sikamañi mutai wani? Pentekota. Eehe! Cwale, mwendi ha ki ka libizo. Cwale lu na ni *mabizo* a Pentekota, kono ha li shutani ni Methodist, Baptist, Presbyterian, Pentekota. Zeo ha li talusi sika, mwabona, leo ki libizo feela. Kono haibile fela una ni Kutwisiso ya Pentekota mwa pilu ya hao, Pentekota mwa moyo wa hao, ku kufa Bupilo bwa hao Bobusafeli, kona kuli Mulimu u ku sepisize kuli, “Ha una kuswaliwa ki lifu la bubeli;” kono, una ni Bupilo Bobusafeli mi haukoni ku *swaliwa* ki lifu la bubeli. Mwabona? Una ni. . . una ni. . .

<sup>150</sup> “Musike mwa halifisa Moya o Kenile wa Mulimu.” Cwale, musike mwa U halifisa (kueza lika ze maswe). Haiba mueza cwalo, mu ka lifa bakeñisa zona; kakuli Bibelee iize, “Musike mwa halifisa Moya o Kenile wa Mulimu o mu swailwe nombolo ka ona bakeñisa lizazi la kuliululwa kwa mina.” Kana ku cwalo? “Musike mwa halifisa Moya o Kenile.”

<sup>151</sup> Oh! I kaba lizazi lelinde, babañwi ba lila, linako zeñwi ze cwalo. Ku mi bonisa kuli zuho ikaba ya sicaba kaufela, “Ku kaba bababeli mwa simu, mi Ni ka nga alimuñwi; mi bababeli mwa mumbeta, mi Ni nge alimuñwi.” Mwabona, ikaba busihu kwa sibaka sesiñwi, ni musihali kwa sibaka sesiñwi sa lifasi; ikaba zuho ya silundwamanji, zeo ki Kuungelwa. Tolombita ya Mulimu ika lila, mi ufi ni ufi wa bona, ili keleke yenyinyani *fa, fa, fa*, mane ni sona sikwata nyana *sani*, ni kutaha *fa, fa, fa*.

<sup>152</sup> Mi mwalanjo yani, mwalanjo habona mwa nako ya mutonelo wa busupa kuli. . . Cwale, muhupule, nekuna ni balanjo ba sebene. Kana ku cwalo? Kamba, Ni talusa, balanjo ba ketalizoho ba zwela kwande. . . Balanjo ba balishumi ba yo katanyeza Mulena, baketalizoho ne ba li likuba. Kana ku cwalo? Mi cwale, mwa mitonelo yeo kaufela, nekuna ni mitonelo ye sebene. Mi kwa mafelelezo a mutonelo wa bu sebene (babañwi ba lobala mwa mutonelo *wo*, ni *wo*, ni *wo*, ni *wo*, ni *wani*, . . .), mutonelo wa bu sebene wo, nekuna ni linzwi le li to huwa lali, “Amubone, Munyali ki yo ufutile, amuzwele teñi mu Mu katanyeze.” Mi ba zuha ni ku tukisa malambi a bona. Mi babañwi bani kaufela ba ya mwa libaka *zani*. Oh, kana yeo haina kuba nako yende!

Oh, ne lu opelanga pina nyana kuli:

Ki nako yende ku wena,  
 Ki nako yende cwani ku na;  
 Haiba kaufela luitukisa ku katanyeza Jesu  
 Mulena luna,  
 Ki nako yende cwani mo ikabela.

Kifoo, ha luboneñi haiba lwakona kuopela cwalo:

Ki nako yende ku wena,  
 Nako yende ku na;  
 Haiba kaufela lu itukisa ku katanyeza Jesu  
 Mulena luna,  
 Ki nako yende cwani mo ikabela. (Zeo halina  
 kuba hande nji?)

Oh, halina kuba hande kwani nji,  
 Kusina milwalo ye bukiti?  
 Kuopela ka tabo ni milangu inge ilila mwa  
 pilu,  
 Oh, halina kuba hande nji?

<sup>153</sup> Ki ba bakai ba mina baba ziba kuli mu ka fita kwa hae? Ki ba bakai ba ba ziba kuli mu ka zwa mwa munyako wani? Ha mu zibi. Ki ba bakai ba ba ziba kuli ha mu ya mu ka yo kuta hape? Hamukoni kuziba zeo. Kona kuli musike mwa lumeleza busihu bo kufita; musike mwa swabisa Mulimi busihu boo, kakuli hakulata bo ikona busihu bwa mafelelezo bo mukaba ni nako kamba kolo. Ki wena mañi, nihakuli cwalo? U zwile kai? U ya kai? Buka fela mwa lifasi yekona ku mi bulelele seo sili sona, ki yona Bible ye fuyozwi ye faa. Mi yeo ki Bible ye lu lumela ku yona, yo ki yena Mulimu ye lu lumela ku yena.

<sup>154</sup> Mi haiba ha u yo ku Munyaliwa yani, mwahala sikwata nyana sa ba balikani *se*, mane ku to fita ni kacenu ku kashezwa kwande ni likopano, ni zeñwi cwalo, haiba—haiba—haiba ha u yo mwa sikwata nyana sani. . . Cwale, ha u lukeli kuikopanya kwa tabernakele ye, ha u lukeli kuikopanya kwa sika kaufela, u lukela fela kupepwa mwa Mubuso wani. Cwale, haiba ubata kopano ya hao mwahala ba Methodist, Baptist, Presbyterian,

kaufela ko bata kubatani, zeo li iitingile ku wena. Mwabona, u beye kopano ya hao mwahala mutu ufi kaufela yo tabela kuba ni yena. Kono Ni ka mi bulelela nto iliñwi: ha u pepilwe sinca, mwa ziba, “linyunywani za mafufa a . . .” Mawi!

<sup>155</sup> Kuna ni yana ni buzize nako yeñwi, kuli, “Muzwale Branham, u bulelezi sicaba kuli, ‘Mu kutele kwa keleke ya Methodist.’”

Se nili, “Luli. Ha ba lelekelwe kwande, mi habana sibaka kwa kuya.” Kona kuli lu ka bona . . .

Zeo li lukile, amu kute, hakuna kunga nako yetelele, mwa bona. Hakuna kunga nako yetelele, ba ka kutela mwateni hape.

<sup>156</sup> Mwa ziba, nako yeñwi mwa . . . Nuwe . . . areka, sibaka sa masabelo, Nuwe, nekuna ni muunda omutuna o no taha. Mi kacwalo Nuwe a lukulula liñwalala mwa areka, mi la zwa fela inge li yo talima talima kafa ni kafa. Kiñi, ne li kusi, kakuli nelili linoñu ka kukala. Ne li fufa mwa sibaka ni sibaka fa litupu ze shwile, mi la ca mane kutaza mba ya lona ka situpu sa mule, ni kuzwelapili fa—fa litupu za lingu ze ne bundami ni kuca mane mba ya tala, ni lika zeñwi hape, ko ne kuna ni fela mifuta kaufela ya litupu ze lobezi fafasi mwa mubu.

<sup>157</sup> Kona kuli liñwalala li ka ina fela fafasi ni kulila lila, “Mushimani, Ni na ni nyakalalo yaka ni nosi!” kulila lila ona cwalo.

<sup>158</sup> Kono ha ba to luma nkwilimba yenyinyani yani, neili sibupiwa se si shutani. Ze nunka, ne “isika li yemela. Hmm!” Kiñi? Nkwilimba haina nyoko ni yekana; ki yona nyunywani fela inosi yesina nyoko. Ne isike ya li kaya, kona kuli nto yene iezize fela neli ku kutela mwa areka kapili ku yo njoma fa munyako.

<sup>159</sup> Muikele kaufela ko mu bata. Nto fela ye Ni mi kupa ki kuli mutahe mwa Mubuso, mi Na ziba ko mu kaya. Hamuna kukona ku li yemela zeo, muzwale, mu ka li, “Ni silile mululwani wa kauhano, Ni siile lifasi kwa mulaho.” Eeni, sha. Ki niti luli.

Oh, ne ba kopanezi mwa sibaka sa fahalimu,  
 Kaufela ne ba lapela ka Libizo la Hae,  
 Ne ba kolobelizwe ka Moya o Kenile,  
 Mi mata a sebelezo a taha;  
 Cwale sa Na ba ezelize ka lizazi lani  
 Uka ku ezeza ni wena,  
 Ni tabile hahulu kuli Ni kona kubulela kuli Ni  
 alimuñwi wa bona. (Mina bo?)

Alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela . . .  
 alimuñwi wa bona, Haleluya;  
 Alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.



Ki ba bakai baba tabile ka zeo busihu boo? Oh, mawi!

Taha, muzwale waka, ubate mbuyoti ye  
 Ye ka kenisa pilu ya hao kwa sibi,  
 Ye ka kalisa kuliza milangu ya tabo  
 Mi ika tukisa moyo wa hao ka mulilo;  
 Oh, ya tuka cwale mwa pilu yaka,  
 Oh, kanya kwa Libizo la Hae,  
 Ni tabile hahulu kuli Ni kona kubulela kuli . . .  
 alimuñwi wa bona.

Ni alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela . . .  
 alimuñwi wa bona, Halleluya;  
 Alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

<sup>160</sup> Cwale ha lu opela timana yetatama ye, Ni bata kuli muswalane mwa mazoho, sina mo mu ezezanga busihu ni busihu, ba Methodist kaufela, ni Baptist, ni Presbyterian. Muswalane mazoho ni yomuñwi, mane mukone kutafuna cwingamu ya yomuñwi ni yomuñwi, haiba mwa kona. Cwale mube fela ka kusepahala, mwa bulikani luli, mube mwa silikani cwale halu sweli ku iopela:

Ni alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona;  
 Alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

Batu ba ni ha ba si ka ituta,  
 Kamba kuipahamisa ka libubo la lifasi,  
 Kaufela bona ba amuhezi Pentekota ya bona,  
 Ba kolobelizwe ka Libizo la Jesu;  
 Mi basweli kukandeka cwale, fakaufi ni  
 kwahule,  
 Mata a hae aswana ni kacenu,  
 Ni tabile hahulu kuli Ni kona kubulela . . .

Cwale ha lu iopelēni luli:

Oh, alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli . . .  
 ni alimuñwi wa bona, Halleluya;  
 Alimuñwi wa bona, alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

<sup>161</sup> Kana wa itakaleza kuba mubulaiwa wa Hae ni sicaba sa ma Smirna? Haiba lifita fa sibaka sa kuli u na ni kutalimana ni lifu kamba ku likutisa, kana uka talimana ni lona? Eeni, sha. O Mulimu, ikona kuba tabo. Eeni, sha. Kona mo Ni bata kuyela

cwalo, ku kalela fa katala. Yeo ki niti. Ne ni bona kuli Ni utwile ka za kuya mwa Germany kwanu ha ki kale hahulu. Oh, ne ba ka ni kunupa ka tobolo ya busihu, mi masole ba German ne ba ka ni matisa mwa ni ku ni swala sina *cwana*. Na hupula kuli, “Ki nto yende cwani kushwela Mulena ka ona mwa simu mo cwana.” Oh, mawi! Ha ki—ha ki nto kwa bunde.

<sup>162</sup> Kihande, ha lu boneñi ni mi opelele kapina nyana. Ni opele? Kana muna—kana muna ni nako yelikani fela? Ku lukile. Ha nikoni ku iopela, Na i bulela fela. Oh, Ni tabela hahulu kuopela kamita. Mi leliñwi la mazazi aa ha mu ka yo kena mwa munzi wa mina omutuna wa Paradaisi, kafoo kwa mafelelezo a mushitu kwani, ko lukayoba Na ni Russell Creech ku yo zuma, mwa ziba. Koo kwa mafelelezo a mushitu kuna ni kandu nyana ka mabala kwani ka opelanga Muzwale Neville kuli, *Mu Niyahela Kandu ka Mabala mwa Lilulu*, (Ne ni hupula kuli na sweli kubulela sibaka sa ka). . . *mwa naha ya Kanya*. Leliñwi la kakusasana ha mu ka yo zamaya mwa mapatelo a mina amatuna kwani, ni kutsalima kafa ni kafa cwalo, kwahule hule koo mwa lilulu mu ka utwa mutu ya opela kuli:

Muhau omakaza, ha ki muhuwo kwa munati,  
O pilise ya nyandile sina na!

<sup>163</sup> Mu li, “Kihande, kufuyolwe Mulimu, Muzwale Branham muuna muhulu u konile. Ki yani fani, Na mu utwa inza yemi neku lani cwale, uopela *Muhau o Makaza*.”

<sup>164</sup> Ikaba muhau o makaza o ka ni fitisa kwani. Yeo ki niti.

Kono ilota mali, eeni, (Kona ha Ni kutaza  
Cwana.) ilota mali,  
Yona Evangeli ya Moya o Kenile ye ilota mali,  
Mali a balutiwa baba shwezi Niti,  
Yona Evangeli ya Moya o Kenile ye ilota mali.

Wa pili kushwela mulelo wa Moya o Kenile wo,  
Neli Joani Mukolobezi, kono ashwa sina mutu;  
Mi kwa taha Mulena Jesu, ba mutakisa ni Yena,  
A luta kuli Moya u ka pilisa sicaba kwa sibi.

Nekuna ni Pitrosi ni Paulusi, ni Joani musinuli,  
Ba fa bupilo bwa bona kuli Evangeli ye ibenye;  
Ba zwakanisa mali a bona, sina baplofita  
bakale,  
Kuli Linzwi la niti la Mulimu li bulelwe  
patalaza.

Kuna ni mioyo mwatasa aletare, (Ki babulaiwa  
bao) yelila kuli, “Ki lili?”  
Kuli Mulena hafe koto baba eza bumawe;  
(Muteeleze! Kapili!)

Kono kukaba babañata babaka fa mali a  
bupilo bwa bona

Kwa Evangeli ya Moya o Kenile ye ni muunda  
wa Mali a yona.

Isa lota mali, eehe, isa lota mali,  
Evangeli ya Moya o Kenile ye isa lota mali,  
Mali a balutiwa baba shwezi Niti,  
Evangeli ya Moya o Kenile ye isa lota mali.

165 Oh, kukaba ni . . .

[Kezeli ubulela ka lulimi lusili, muzwale wa toloka. Muzwale ubulela ka lulimi lusili, kezeli ubulela ka lulimi lusili. Hakuna manzwi fa tepu. Muzwale wa toloka—Mu.] Kanya. Amen. Amen. Hmm. Hmm. Kanya. Amen. Eeni.

166 Amen. “Yana ni lizebe, autwe seo Moya u si bulelela likeleke.”

Na Mu lata . . .

Amu lumbeke cwale, mubone sa Ka eza. Haiba wa li ku ba u Mu late fateni, kikuli utabela ku Mu lata cwale? Wakona kuyema ni ku Mu amuhela, u Mu nge kuba Mupulusi wa hao?

. . . na, (Mulimu aku fuyole, muzwale.)  
Ni ku- . . .

Kuna ni ya ka yema, abulele kuli, “Na Mu bata onafa cwale, ona fa cwale, Ni bata ku Mu lata”?

. . . -uluso  
Fa Kalvari . . .

Mulimu aku fuyole, kezeli. Mulimu aku fuyole kwa mulaho kafoo, kalibe yomunyinyani.

Na Mu lata . . .

Yana ni lizebe, a utwe seo Moya u si bulelela keleke.

. . . U ni latile pili.  
Ni kuleka puluso yaka  
Ka kota ya Kalvari.

167 Ndata luna yakwa Lihalimu, ha U nzo bona babalalu baba yemi ba faa, O Mulimu, Na Ku lapela kuli ube ni makeke, O Wena wa Kuyakuile, mi bafe swalelo ya sibi kaufela, ni puluso, Moya o Kenile mwa bupilo bwa bona, kuli ba si ke ba swaliwa ki lifu la bubeli. Ba lemuha, Mulena, busihu boo, habanze ba yemi cwalo, kuli—kuli kuna ni sesiñwi fa kaufi. Moya o Kenile u file temuso. Ka kubona Moya wa Mulimu ha u wela fa sicaba, ku U bona ha ubeleka kuya ka Mañolo, ki mañusa a malalu fela a mafelelezo a ona. O Mulimu, ki liñusa ku mutu kaufela.

168 Cwale, Ndate, lwa Ku lapela ube ni makeke. Lumeleza Moya o munde wani kuina mwahala luna. Mi lu U kuteke, Mulimu; lumeleza cwalo. Nga mioyo ye mwa pabalelo ya Hao, Ndate, kona miselo ya Liñusa busihu bo, ni ni Liñusa le lizwa kwa Moya o

Kenile le li bulezwi mwahala luna. Mi lwa kupa, Mulimu Ndate, kuli Ube ni bona hala mazazi kaufela a bupilo bwa bona. Mi cwale “mwa lifasi le lisina mafelelezo” lu yo ba katanyeza kwani, ba pilisizwe ka Mali ni sishemo sa Krete. Lu ba fa ku Wena cwale, Ndate, ba taze ka Moya o Kenile wa Hao. Kakuli lu kupa ka Libizo la Jesu. Amen.

169 Mulimu ami fuyole, mizwale baka. Kaufela ya inezi fa kaufi ni batu bene ba yemi bani, Bakreste, mu ba swale mwa mazoho ha ba inzi cwalo, mu bafe . . . mu ba lakaleze putako ya Mulimu.

170 Mwabona mo Moya o Kenile ubezi o utwela, mo U ezezanga lika kwa mafelelezo? Mwabona? Biblele ibulezi kuli, “Mubone kuli . . . baba bulela ka malimi ibe bababeli, kamba isiñi . . . sihulu ibe babalalu,” mwa bona. Liñusa isiñi ha ne Ni sa bulela, ha se Li felile. Kona mo ku lukela kubela, mutu kaufela uba ka likute hahulu ni kuteleza zo bulela Moya. Mi kipeto ku ezahala sikamañi? baezalibi ba nanuha ni kubaka. Oh, na sepa. Moya o Kenile Ona kasibili, kusina kunga . . . nihaiba kufita ka Linzwi, utile ku to bonahalisa.

171 Na ziba batu babañwi ba ba sweli kubulela ka malimi baa, Na ziba ba balalu kaufela ba ba bulezi; mi Na—Na ziba baba file litoloko; Na ziba kuli bupilo bwa bona habuna sibi fapila Mulimu. Muzwale Neville fa, mulisana wa luna, mukutazi wa Methodist; yo ki mukutazi wa Methodist, ya inzi faa, ya amuhezi Moya o Kenile. Junie, kwanu, Muzwale Jackson, mukutazi yomuñwi wa Methodist, u amuhezi Moya o Kenile. Yeo ki niti, yana ni mpo ya malimi ni kutoloka.

172 Mi mutalime mo lu bezi ni keleke yaluna, mutu kaufela ka likute; Mulimu ha bulela. Mwa bona Mwa bulelela fela ka swanelo hande kuya ka Biblele; mutu; ha bulela liñusa ha li siyeli fela fahali, Wa li bulela hape, kono Haana kubulela kufitelela linako zetaalu; mwabona, kuya ka Mañolo mwani. Mwabona, Ukafa yani liñusa; Ha li lyanganisi, “kakuli moya wa bapolofita u ipeya kutwela mupolofita.” Lika kaufela za teezeza mi za kuza . . .

173 Cwale cwalo kona keleke mo ilukela kubela ka mulao hande. Cwale ku mina sicaba babakona kuba mo kuzwa kwande, baba ni utwile ha ni bulela, cwalo kona mo ku lukela kubela. Mwabona, liñusa li shaezwi. Mwabona linepo? Za ezahalanga ona *cwalo*. Kuna ni se si ezahala, ona cwalo fela sina temuho ya mioya. Ha ki yomunde nji? Oh, Ni tabile hahulu ka kuziba kuli yona nto yeswana yene lukisizwe ki Muhalalehi Paulusi, ona *fa*, ha li si ka shwa mane ku to fita *fa*. Isali nto yeswana. Oh, Ni tabile hahulu Ni kona kubulela kuli Ni alimuñwi wa bona. Mina bo? Ku lukile.

174 Cwale, kamuso busihu ka sebene kiloko, lu nga lusika lwa Laodesia, mi lo ki lusika lwa *linyalo*. Ni bata kuli mutahe haiba mwa kona. Ni liyehile nyana busihu boo, kakuli mwendi Moya

o Kenile no sa bulela ni zeñwi cwalo. Kono ki ka kuitahanela nyana, ki mizuzu ye mashumi amabeli kasumulaho wa naini. Mi hañata Ni banga fa ka teni kamba ilebene kiloko, kona kuli fa ki kuitahanela luli. Kona kuli kana mwa ikola ma—ma—ma mañusa a Mulena? Kikuli mwaikola luli? La fepa mioyo ya mina.

175 Mulimu ami fuyole, bana baka. Mwa ziba, Na mi lata ka pilu yaka kaufela. Mi fokuñwi Moya ha u ni swalanga, wa pumakanga kafa ni . . . Kona mo liinezi Linzwi cwalo, Li buhali sina mukwale o lozizwe kafa-ni-kafa. La puma ha litaha, ni ha liya, mwahali, fande, maneku kaufela. Kono cwalo kona mo likenyeza mwa mupato. Mupato u sehululanga kwateni litalo le li fitelezi, lika ze lu sa lukeli kuba ni zona.

176 Cwale, Ni bata kuli mulemuhe. Kikuli mu utwile Moya fa toloko ya busihu boo? “Mutuhele bukuba boo!” Seo sa kenya mwa mupato. Mu sepahale! Kaufela lwa keluhanga mwa nzila, kono Mulimu wa ziba mwa ku ulululela malundu. Nji cwani? Luli wa ziba. Ni itumezi ka seo. Mina bo?

177 Kana ki wena mulizi wa piano wa mwanana kwanu? Ha ni boni . . . Ki Teddy . . . ? Ha ni mu boni kwanu bati. Ki—ki yo . . . ? Ku lukile, kezeli, haiba u tabela. Kikuli yo ki mwana hao, Muzwale Daulton? Mukwenyana musali. Ku lukile. Ki kalibe yomunde ya munati, ki tabo hahulu kuli u Mukreste. Ku lukile, zeo ki zende, pina ya kale ya kuzwa ka yona? Ha lu likeni iliñwi, lu si ka eza kale cwalo, cwale. Fa muzuzu fela, kezeli, lu si ka opela kale *Unge Libizo La Jesu Ko Uya*.

178 Ki ba bakai ba ba ziba ya kuli *Musi Libali Tapelo Ya Lubasi?* Mu ba bakai baba lapelanga mwa mabasi a mina, lubasi lwa mina lwa lapelanga? Oh, ki nto yende. Ha lu ilikeni hañwi, inge fela linako za kale:

Musi libali tapelo ya lubasi,  
Jesu ubata ku mi katanyeza teñi;  
Uka feza lipilaelo za mina kaufela,  
Oh, musu libali tapelo ya lubasi.

Mwa tabela cwalo? Ha lu ilikeni hape:

Musi libali tapelo ya lubasi,  
Jesu ubata ku mi katanyeza teñi; (Muna ni  
kutwano, cwale.)  
U ka feza lipilaelo za mina kaufela,  
Oh, musu libali tapelo ya lubasi.

179 [Kezeli uli, “Muzwale Branham, Ni bata kubulela nto yeñwi?”—Mu.] Luli wakona, Kezeli. [Kezeli ukala kubulela. Hakuna manzwi fa tepu.] Kezeli Nash, yeo kinto yende luli. Oh, haiba fela uka:

Haiba lu sepa mi lu sa kakanyi, U ka ka  
lamulela kaniti;  
Isa fela mutiyo wa hao ku Mulena ni ku usiya  
teñi.

Lisiye teñi, lisiye teñi,  
Isa mutiyo wa hao ku Mulena mi u li siye teñi;  
Haiba lu sepa mi lu sa kakanyi, U ka ku  
lamulela kaniti;  
Isa fela mutiyo wa hao ku Mulena ni ku usiya  
teñi.

<sup>180</sup> Kana ha mulati lipina za kale zeo? Oh, Na fela . . . Ni lumela kuli baana bani ne ba byanguzi siñoliso mi ba susumezwa ka Moya o Kenile fa kubala zeo.

<sup>181</sup> Sina Fanny Crosby wa sibofu sicaba sa lifasi ba lizazi lani ha ne balika kuli añole lipina za lifasi, ali, “Ku palañi, ukaba musali ya fumile.”

Ki hali, “Ni beile bupilo bwa ka ku Kreste, ni talenta yaka kaufela.” Na li sibofu, mwa ziba. Ali, “Ni—Ni file bupilo bwaka kaufela ku Kreste.” A bulela . . .

<sup>182</sup> Mi ba mu nyemela cwalo kakuli na hanile kolo yende cwalo yani. Na si ka lekisa tukelo ya hae ya kupepwa inge Bo Presley ni babañwi mo ne ba ezelize, kono na—na bulukile busepahali bwa hae. Kacwalo a—a . . . Ba—ba mu tuhela, ali, “Mi cwale ha u ka fita kwa Lihalimu, haiba kuna ni sibaka se si cwalo,” bali, “haiba ukaba sina mo inezi fa cwana, u kaba sibofu.” Bali, “Kucwani haiba u sibofu,” bali, “u ka yo Mu ziba cwani?”

Ki hali, “Ni ka Mu ziba. Ni ka Mu ziba.”

Bali, “Kucwani haiba u ka ba sibofu? Kucwani haiba *ukaba* sibofu?”

Ki hali, “Ni ka utwa ka kuswala mañiba a limapo.” Mi ki ha sikuluha, akala kukuta mwa mulaho, mi ali:

Ni ka Mu ziba, Ni ka Mu ziba,  
Ni yeme kwa tuko a Hae Ni liuluzwi;  
Ni ka Mu ziba, Ni ka Mu ziba  
Ka mañiba a limapo mwa lizoho la Hae.

<sup>183</sup> O Jesu waka, ka litombo zende ze ketalizoho zani, ze lota mali bakeñisa ka kwani, kana Ni kona cwani kulatula yomunde ya cwalo Yani? Ki hande ni shwe, ni zamaye ku . . . Ni ye ka nzila ya sika kaufela, kono ni si ke na be ni latula Mutu yomunde ya suluzi mali yani bakeñisa ka. Eeni.

<sup>184</sup> Mi haunzo ya busihu boo, u lukela: *Kunga Libizo La Jesu Ko Uya*. Ku lukile, kezeli. Ha lu yemeñi cwale, kaufela hamoho.

. . . Libizo la Jesu ko uya,  
Mwana wa manyando ni bumai;  
Li ka kufa tabo ni nyakalalo,  
Li lwale kaufela ko uya.

Libizo Lelinde (Libizo Lelinde), Oh kwa  
 munati! (Oh kwa munati)  
 Sepo ya lifasi ni tabo ya Lihalimu;  
 Libizo Lelinde (Libizo Lelinde), Oh kwa  
 munati!  
 Sepo ya lifasi ni tabo ya Lihalimu.

Cwale halunze luinamisa litoho za luna, ni kuopela ka  
 bunolo:

Ka Libizo la Jesu lwa kubama,  
 Luwa kwa mahutu a Hae,  
 Mulena wa malena mwa Lihalimu luta  
 Muapesa mushukwe,  
 Fo musipili wa luna ufela.

Libizo Lelinde, Oh kwa munati!  
 Sepo ya lifasi ni tabo ya Lihalimu;  
 Libizo Lelinde, Oh kwa munati! (Kwa munati!)  
 Sepo ya lifasi ni tabo ya Lihalimu.



*LUSIKA LWA KELEKE YA SMIRNA* LOZ60-1206

(The Smyrnaean Church Age)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham ne li kotalizwe lwa pili mwa Sikuwa la Bubeli manzibwana, Ñulule 6, 1960, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)



## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)